


豐城縣志

250.105

38

16



豐城縣志卷之二十七

藝文志四

詩類 目錄

豐城劍 李白

寶劍詩 吳均

劍池 孫復

寶氣亭 黃庭堅

登羅山 吳虎臣

徐孺子讀書臺分得高字 孫素

胡文定墨池分得風字 孫素 發曲江磯山樓亭 李夢陽

豐城縣志 卷之二十七 藝文目錄

龍山書院訓勉 鄒守益

舟過豐城 施閏章

三賢祠 查慎行

文明塔 李吐萼

讀豐城縣志得六十四韻柬同門唐萃亭兼寄志局諸

君子 賴晉 遊櫛山 袁潛

自黃埠腦至拖船埠途中作 何倬

姑俎 杜節母 飛蛾 杜節母

山中贈韋子春十四秘書

別李季友詩 王季友 送王季友赴洪州幕 錢也



潼關使院懷王七季友 岑參

豐城高安之間憇民家景趣幽邃爲之慨然懷歸 陸游

憶澹臺墓寄王邵二藩臬 楊廉

孤山 袁守定 楸山 袁守定

初霽仗興遊羅山與濬兒潛兒 袁守定

從柘陂登招雲山 袁守定 袁易齋詩集題詞 蔣士銓

還山留別長安知己 王季友 古塞曲 王季友

滑中贈崔高士瓘 王季友 玉壺冰 王季友

京城閑居雜言八首 揭傒斯 四友詩 揭傒斯

和劉錄事春雪二十韻 揭傒斯

豐城縣志 卷之二十七 藝文目錄 二

豐城勘隄回上陳芝楣中丞 王暉吉

小港間成放水 王暉吉 小港觀漲有感 王暉吉

諸工報竣寄呈陳芝楣中丞二十韻 王暉吉

苦雨嘆 徐士燾 苦竹洲聞雁 胡蘇亭

初秋遊飛旆山登樓遠眺 熊浩

泰氣嶺 歐陽勳 以上五古 晚次豐城 陸游 吳秉仁

觀于舍人壁畫山水 王季友

代賀枝令譽贈沈千運 王季友

寶劍篇 郭元振 可歎 杜甫

宿東溪李十五山亭 王季友 發豐城縣 陸游

遊曲江分韻得月字 姚勉

劍江驛樓 吳澄

劍江驛樓 熊朋來

月夜登曲江樓識別諸君子 袁懋謙

劍迹 胡之姓 遊感山海慧寺 高岑

遊龍光書院 甘興仁 張真人象山圖 揭傒斯

截臂行 孫發

題臨江同知問流民事蹟 揭傒斯

襄荷山 揭傒斯 寄開士禪友 史垂譽

梅仙觀 馬子才 孝子行 查居廣

密泉篇 胡學浹 大水歌 熊履廷

豐城縣志 卷之二十七 藝文目錄 三

酬李十六岐 王季友 豐城歎 喻成龍

明月行 高以本

恭紀

恩諭飭廣學額併獎敘 周文鳳 靈槎廟碑詞 劉瑄

劍池歌 周承志 以上七古

經豐城劍池 陰鏗 送豐城王少府 楊炯

寶劍詩 崔融 復過盛家洲 朱子

同温如竹國舟中晚眺 朱子 過豐城作 朱子

龍霧洲雪 劉辰翁 望羅山 陶弼

清明登曲江亭閣 李夢陽 豐城夜泊 李夢陽

兩泊豐城 李夢陽

遊東門白雲寺 羅洪先

望羅山 陸應箕

登磯上樓同傅敬初分賦 黃汝亨

寶氣樓燕集 邱士毅

遊白雲寺和羅念庵韻 李維喬

藥湖 徐日德

東門白雲寺次羅念庵韻 胡學淡

劍池 王舟瑤

遊蓮湖 熊儕鶴

遊龍山 熊宇鶴

梅仙壇 陸履敬

暮春遊海慧寺宿洞明寒碧軒 李予璫

豐城縣志

卷之二十七

藝文目錄

四

宿豐城訪徐古皇同年 李紱

金花潭 王士禛

豐城曲江亭 王士禛

水草園 張師賢

高原 杜名世

劍池次陰鏗韻 周林德

孤山 夏汝祺

登三角山 劉啟江

訪寶氣亭 唐鍾毓

過海嵐寺 甘紱

登香山閣贈無學上人 熊履廷

過仙姑嶺 袁潛

豐城劍池卽事 章孝標

贈溫如竹園 朱子

別鄉友徐明初 揭傒斯

夢蕉亭寫興 游潛

過元貞寺 陸應南

苦竹洲聞雁 王士正

自豐城抵萬安江水大漲 陸棻

遊招雲山寺 袁守定 贈孤山友人 袁守定

北宸山 溫際龍

始至都天寺示同學二首 敖宗瑚

送于滄巖夫子謝病歸里 丁猷駿 以上五律

酬王季友題半日村別業兼呈李明府 郎士元

送宇文遷明府赴洪州張觀察追攝豐城令 劉長卿

贈王允文 楊萬里

寶劍詩 李羣玉 寶劍詩 陳陶

梅山觀留題道士楊智遠 蘇轍

豐城縣志 卷之二十七 藝文目錄 五

寶劍詩 祖無擇 曲江亭 李義山

甘露臺 李義山 甘露臺 姚勉

華嚴院 黃彥平 海覺寺 李昂英

海覺寺次李文溪壁間韻 文天祥

榮塘煙雨 甘惟寅 堯峯西峙 揭傒斯

劍池夜月 甘惟寅 梅仙峯 危素

曲江觀漲咏懷 熊卓 過正法寺 楊子榮

密嶺晴嵐 涂善 遊感山寺 李裕

丹霞福地 孫曰良 盛家洲書院 曹壽

烏石觀 鄔季生 遊感山寺 朱簾

曲江亭 范慶

挽史公安死難交趾 丁鉉

題龔公樓 韓雍

豐城阻風 王守仁

重登黃埠腦 王守仁

堯山 張鏊

迴瀾閣同陸池山觀濤 涂鉉

月夜登曲江亭餞人之京 李貴

感山寺和江惟化韻 徐京 冬日遊感山 雷暎

登曲江亭同劉兌陽 李啟美

過始豐山觀劉海蟾真跡 陸應箕

遊感山 湯光京 劍池 邱士毅

遊曲江從盧使君夫子 楊惟休

豐城縣志 卷之二十七 藝文目錄

紫府觀 陸元衡 龍山秋望 文可紀

瀚樓新成陪宗明府登覽 黃叔鉉

密嶺 杜日讓 竹林庵次韻 黃炳召

讀鄧武橋先生橫戈集 熊履廷

桃花巖 熊履廷

遊龍山并至感山寺 袁孔邇 登曲江文昌閣 丁序瑛

和吳邑侯遊感山 丁需 過感山寺 盛逢瀾

和黃質昭遊櫛山 游方震

春日過壠山訪熊效先州丞壽先文學遊斗門福地旋

憇綠野別墅即景漫賦 游方震

送家馭麟叔掌教龍山書院 甘與仁

秋過感山 徐文弼 龍頭山登高 朱霞

遊正悟寺題壁 楊其謨

舍菜宗賢請合祠王季友 蔡宜省

梅仙觀 朱粹

豐城龍山書院 朱子 望羅山柏塔 虞集

題熊太古畫 虞集 張君壽鵠山隱居 揭傒斯

送孫竹軒博士致仕 王直 豐城九龍山雙髻峯 元宣

過豐城贈權伯文 郭奎

送豐城杜少府謫滇南 李攀龍

豐城縣志 卷之二十七 藝文目錄 七

和萬象山登鍾城山用元虞學士韵 游潛

遊感山用老杜韵 熊卓

爵帥鮑兩度至豐平寇功最鉅嗣是寇熄作長句二章

紀之 周文鳳 九日登梅仙嶺 喻增高

三至龍山留別 張寅 次韻張郡伯三至龍山留別 萬光

寶氣亭懷古 陸如照 以上七律

雲澗三章贈毛寔甫 文天祥 白蓮詩 揭傒斯 以上四

感山寺雜咏 三首 姚勉 過豐城訪肇慶守黃瑩之 陳

登仙壇 胡之性 小石山 周林德

奇童詩 揭傒斯 題熊太古畫 虞集 以上



劍池 來鶴

懷厚郭胡正卿 吳與弼

羅山徵君隱居 曹勣

梅仙觀 孟賓于

梅仙壇 吳大防

梅先生故居 黃庭堅

過豐城 楊時

廣慈院 汪藻

寶氣亭 胡銓

訪盛溫如至盛家洲 朱子

經赤岡望遠山 朱子

次林擇之韻 朱子

盛家洲四景 盛燧

清都觀 于革

感山寺探雪樵詩僧不遇入旃檀寮見几上有江南春

詩詢之為真半顛雖未識面亦合寄以詩 姚勉

白鶴觀 白玉蟾

詩書閣 范仲武

豐城縣志 卷之二十七 藝文目錄 八

梅仙壇 况志寧

過豐城 傅若金

烏石觀 強立

城南書屋 胡儼

金墉朝陽 孫日恭

過豐城 劉同升

泊龍頭山 史垂譽

楂村望超山 史萬育

鳳山口占 熊履廷

題始豐山仙林觀 二首 徐紹文

始豐山和句 三首 丁猷駿 平豐隄 邱士毅

題壽昌寺 揭傒斯 送熊士選侍御 徐禎卿

訪徐孺子讀書臺歸 檢思賢集 重加校刊 卽集集中句書後 姚敏

贈鮑春霆爵帥 徐士毅 獅山八景 敖宗瑚 目錄止

豐城縣志卷之二十七

藝文志四

詩類

五古

豐城劍

李白

寶劍雙蛟龍雪夜照芙蓉精光射天地雷騰不可衝一  
去別金匣飛沉失相從風胡滅已久所以潛其鋒吳水  
深萬丈楚山邈千重雌雄終不隔神物會當逢

雜咏

王季友

採山仍採隱在水不在深持斧事遠遊固悲匠者心斲

豐城縣志

卷之二十七

藝文

斲青桐枝樵爨日所侵樵聲出巖壑四聽無知音豈謂  
鼎下薪當作堂上琴鳳鳥久不栖且與枳棘林

寶劍詩

吳均

我有一寶劍出自昆吾溪照人如照水切玉似切泥鏐  
邊霜凜凜匣上風淒淒寄語張公子何當來見攜

劍池驛

權德輿

龍劍昔未發泥沙相埋藏向非張茂先孰辨斗牛光神  
物不自達聖賢亦徬徨我行豐城野慷慨心內傷

劍池

寶劍埋豐城棄捐滅年禩初如雙龍蟄默默重淵底春

雷忽以驚駢首思奮起光氣干斗牛終夜顏色紫奇哉  
張茂先訪諸雷煥氏下取古獄中湛湛凝秋水精芒射  
人目利可斷犀兕我聞劍爲用非惟翫好爾仗以去奸  
邪提以振綱紀是時晉室中奸邪若排指荀勗及馮統  
巧舌相表裏荀顗亦其人聚首爲封豕同附賈公闔盛  
指南風美遂使五不可忽焉如西子晉室遽以危其亡  
可立俟因思荀勗徒未與犀兕比盡可血雄芒尸之向  
朝市劍兮旣不用華也竟何以宜乎不自免委身於螻  
螻是爲神物羞飄然失所指

寶劍

蘇轍

豐城縣志

卷之二十七

藝文

二

劍氣夜干斗精神初莫隔全身寄獄戶隱約還自得張  
雷彼知我勉爲汝一出腰間雜環佩亦能報之德凜凜  
天地間要非手中物躍入延平水三日飛霹靂出當乘  
風雷歸當卧泉石千年故穴在三嘆泉上客

寶氣亭

黃庭堅

豐城邑巖巘水種六萬戶石隄眠長虹輟棹日沉霧令  
君政有聲新亭延客步淚落世父碑心傾文饒賦憶昔  
兩神兵埋獄思武庫寒光射漢津兩賢紆一顧張公圻  
中台木拱孔章墓不能使兒嬉歲晚龍蛇去空餘寒泉  
泓因雨長蛙鮒鉛刀藏寶室萬世同此度

景福院

黃執中

娟娟竹影薄泱泱溪流淺風生秋意回野曠天容遠

登羅山

吳虎臣

兒時聞羅山窟穴居神仙念之每欲往終爲俗累牽茲  
辰復何夕風日媚晴暄偶與二三子徑來踐前言崎嶇  
陟岡澗峭舊凌雲煙厓斷或如瀉坡平俄若川有泉何  
自來但覺聲涓涓縈紆若蛇走往注山腹田徘徊一濯  
足入袖風翩翩俄登最高嶺中觀屋數椽嶙峋老石像  
摩挲不記年桃花破叢菅一笑爲嫣然石屏與翠壁擁  
從相後先物色恣觀覽萬盼滿眼前適問從遊人茲爲

豐城縣志

卷之二十七

藝文

三

第幾天不然何秀挺不與衆峯連長安在何許無乃落  
日邊十年苦搶攘戰血腥戈鋌誰知塵外客一壑能自  
專徜徉得此樂疑已飄飄然茲遊恐難再遲留不能旋  
如何林間月弄影明娟娟促歸良恨早正恐陵谷遷到  
家追悔甚誓將世務捐卻尋向來路跡斷難攀援春雨  
正蒙密澗水鳴潺湲夷猶不可尚媿爾無仙緣

徐孺子讀書臺分得高字

孫素

吾愛徐聘君沉冥乃人豪諸賢構黨禍皎皎雲鴻毛平  
生讀何書身隱名難逃故宅照湖水荒墳翳城蒿焉知  
此山中笑兀書堂高

胡文定墨池分得風字

孫素

吾愛胡夫子抱道來逃空豈伊桃花源有此山泉蒙奏  
疏瀝肝膽春秋開盲聾當年起草處想見臨池工願爲  
池上草永懷君子風

發曲江磯山樓亭

李夢陽

纜舟金華潭遂陟岡山閣蹊徑阻紆鬱巖水光叅錯夏  
林一何清餘雨浙未落高覽景自異况值晚霽廓夕日  
明錦湍歸雲擁華薄近日山嶽蒼遠樹復岑嶢曠蕩感  
寄遇俯仰嘆今昨不見往者悲而觀來者樂顧瞻大江  
流愈恨代謝速源湧竟誰禦謙守諒能曲所貴遺榮名

豐城縣志

卷之二十七

藝文

四

觀義願有勗

龍山書院訓勉

鄒守益

干將兩古劍石函閱幾年精光不可揜猶自動星躔况  
此剛大氣亘古本浩然驕吝一害之智并聚蛙蝸不有  
乾乾功龍德何由全淬劍亦有術學聖豈無傳

遊梅仙山

宋儀望

白雲在深山山深轉空翠古木凌飛煙叢竹亦森邃梅  
公隱何時漢道昔云季當其抗言時鼎鑊寧足畏一斥  
渺何所去作南昌尉茲山信超曠盤鬱多佳氣幽棲亦  
何爲豈不以我貴一朝變姓名挂冠從此去新舊相太

息妻子不知處余亦骯髒人  
觸當時諱見機苦不早  
撫已有深媿永願謝塵緣長  
從吾志

舟過豐城

施閏章

孤城暮蕭瑟北風一何寒  
飛沙捲宿莽饑鳶叫哀湍  
寶缺沉幽壤光騰雲漢間  
一朝出石匣拂拭曜琅玕  
離爲兩雄飛合爲雙龍蟠  
神物竟出往顯晦邈無端  
虎豹今咆哮芙蓉氣凋殘  
鉛刀笑霜刃壯士多苦顏  
繞指夙懷挫倚牀終夜嘆  
起行看太白源下空潺湲

月夜泊舟曲江

譙名臣

暮煙浩無際冷然太古色  
維舟傍石磯浮山攜滿月  
蒼

豐城縣志

卷之二十七

藝文

五

翠拂面來亂雲流不歇  
波光曲如環似爲月所窟  
瀉影入素澗奇氣徧林樾  
夜深村火微聞寂塵世絕  
端坐寤古人三賢誠一轍  
感慨北風生呼朋理雙楫

三賢祠

并序

查慎行

豐城縣北十里磯頭山上有曲江祠  
朱文公往還湖南時與李後林姚雪坡遊  
此後人因奉栗主以祀三賢詳見李崆峒祠記  
中今以韋武陽易後林者訛也

贛江西南來天矯北走龍  
到此乃東折磯頭扼其衝  
是名曰曲江形勢險且雄  
扁舟清夜詠倡自紫陽翁  
同時

李與姚杖履偕遊從三賢列祀典蔚爲名教宗世俗不  
好古變置靡所衷作詩糾繆誤兼以警盲聾

新堤告成志喜

盛逢瀾

地迥吳臯窪百谷衆流匯每當霖雨時瀾漫似瀛海田  
廬遍村落護衛恃堤在修圯其口無常綢繆仗賢宰今夏  
溪流漲懷襄及爽塏洪濤入其口湧稽天勢危殆居舍魚  
鱉遊藻荇掛門根樓臺水面浮市中漿欸乃長吏恤民  
瘼引咎曰予罪繪陳鄭俠圖八吏甚嘉採須臾議修築  
急病不忍待策力收羣工趨予樂無怠經營出公帑民  
力喜不悔沿江興役車舊貫無妨改高厚尺寸間視前

豐城縣志

卷之二十七

藝文

六

數加倍長虹撼巨浪夾岸聳其崑譬彼防敵兵深壁據  
堅壘萬姓慶安瀾比戶見樂恆懋哉功德垂足銘鼎與  
甯鋪張語難盡約畧珥筆載

文明塔

李吐萼

江城迤東南一塔標特兀故址析廣豐嶒嶒出窪澤緬  
迺規畫時精神獨橫截通府開鴻濛三令恥跛躄伐築  
異道謀湧地見山骨七級高丁雲峭突莫能攝吁嗟各  
浮圖侈幻蜃氣結睠茲表文明倚天豁眉睫絕頂窺海  
東晴霞帶霏屑噴薄宵熊熊且欲斗光接柏塔連蕭疎  
猴尖並截崑掠翠飛青遙剡死俯一切翔影癡冥鴻棲

禽借風翻林陌生消泐碎激魚龍聳盤廻豐富流蒼茫  
入超忽郁郁數煙疇蓬蓬點沙凸萬象紛攢羅摩娑送  
雉堞平瞰寶氣樓下咽珠湖月宮墻相面臨鐘鏞發竦  
悅景仰還芝楹江山萃秀傑昔時坤樞鍾烝皇瑯彪列  
樹立九霄崢藻華亦日揭隆然今具瞻得不破莪茶壯  
夫心與俱謾悵梯磴絕

讀豐城縣志得六十四韻柬同門唐萃亭兼寄志局

諸君子

賴晉

奕奕古豐城建安南州附卜食豐水西富城城已故今  
治遷永徽沿革經朝祚九野列分星南斗入幾度雙劍

豐城縣志

卷之二十七

藝文

七

獄中騰卓哉張雷顧至今榮塘春石匣風雨暮東望讀  
書臺楮山足千古西過飛鴻嶺子真餐清露羅山南境  
峙形勝跨吉撫神仙三十七始豐福地著龍頭北極臨  
曲江文瀾泝峩峩三賢祠風聲起沉痾四封名勝多齊  
諧謾參互誰遇浮邱翁王郭虛名付誰建黃金城吳臯  
傳謬誤爭懷孝感泉須辨吳王墓郊環十七鄉水種六  
萬戶山谷語窪笑半湖田長洲起龍霧民氣戒囂凌里俗  
敦儒素人文崛起豪亮節光寰宇孺子漢高士知幾遠  
黨錮有唐王季友少陵極推慕煌煌趙宋興奎壁中天  
遇屈指百餘人名實森記註元首揭文安史家推獨步



儲才與正心兩言足施措前明朱閣學名震遼東戊夢

裡編春秋述神歸心悟尚書十四人先瞻齒德具黃公宗載

學術正大傳徐公土木忠肝吐丁公黜幽惜人才李公裕

詭冒汰軍旅熊公儒林宗伊洛楊公征倭勲業樹李公

發奸拂貴臣喻公忠勤邀簡注雷公來復啓六箴李公

建文追廟耐范公援蜀功堪念熊公微時神呵護邱公

正色鋤權璫懋修聖學疏唐公或披宛委書蹲鴟能辨

芋或調寬猛懷赤子歸乳哺渠隍保障深饑民通哀籲

單車撫賊巢殊方伸勦捕不避交趾尾直將兇瑾忤慘

慘河陽驛荻花同贈賻桓桓鄧將軍朝鮮英魂塑理學

豐城縣志

卷之二十七

藝文

八

守先賢宮墻培正路勝國多偉人輝映扶桑馭繼起擴

芬芳昌熾符時數頻儲九鳳材不受山靈妒獨惜五水

驕能使波濤怒內窪外隆隆崩塌河神懼堤始永徽年

長虹巨水滸築埽首辛公一仰安瀾渡堤正而埽奇兵

法機宣布心計鬪馮夷未雨綢繆固豈無徐侍郎河防

操備豫豈無黃主簿身先夫役苦誰實敖家湖洲移苦

竹土滄桑幻化工錯綜有神務不吝內帑金慨念窮簷

賦蓄洩操遠謀衆中防暗蠹舊乘失陳因新書真楚楚

堤防溝洫篇凜然相勸諭雅健其素長刪盡閒字句同

室聚馬班鴻才自奔赴豐城過金城筆鋒神鼓鑄

遊楮山 山在五坊距城八十餘里

袁潛

山高半入天日出雲未了攀援到雲中紆折尋古道峰  
頂豁然開卓立塵世表風聲無時無四顧失飛鳥不覺  
所歷高但見羣山小斜陽動歸思步步窮幽渺下山如  
九淵回首石壓腦歸來夢亦驚身猶在林杪

自黃埠腦至拖船埠途中作

何倬

浮雲四郊陰寒煙搖晚態瞥見黃金城半壁日光碎我  
行遵新堤步窘目欲眯鐵索鎖大江洪水亦何碍所恨  
沒脂膏未能填決潰齧堤不飲河果腹多鼠輩徘徊亦  
以望使我心孔癘村落豈不稠枯萍聚破塊洲沙相起

豐城縣志

卷之二十七

藝文

九

伏十里半蕪穢悲風東南來眼底倏冥晦緬彼濟溱洧  
神往古遺愛

姑妯

杜節母

伶仃姑與媳性命兩相符在昔夫君逝諳諳解憂虞懲  
妾不死心責妾在撫孤紅顏依白髮共此柏舟模豈憶  
瘡疹殤嬌兒復棄吾欲死爲姑存晨昏不可無二豎忽  
肆虐膏肓不如初風雨連宵急寒萱今又蕪一哭喉先  
哽再哭泪轉枯昨日卧床帳今朝入畫圖節操名千載  
精神香一爐死者長寂寞生者倩誰呼冥中兒有母堂  
上媳無姑巾幗人多少皇天命薄奴

飛蛾

杜節母

課讀夜挑燈飛蛾飛不去焚身亦可矜能向光明處

山中贈韋子春十四秘書

王季友

出山秋雲曙山木已再春食我山中藥不憶山中人山  
中誰余密白髮日相親雀鼠晝夜無知我廚廩貧依依  
北舍松不厭吾南隣有情盡捐棄土石爲同身夫子質  
千尋天澤枝葉新予以不材棄非知免斧斤

別李季友詩

王季友

栖鳥不戀枝喙喙在同聲行子出馳戶依依主人情昔  
時霜乍鏡醜婦羞爾形閉匣二十年皎潔常獨明今日

靈武縣志

卷之二十七

藝文

十

照離別前途白髮生

送王季友赴洪州幕

錢起

列郡皆用武南征所從誰諸侯重才畧見子如琼枝撫  
劍感知己出門方遠辭煙波帶幕府海日生紅旗問我  
何功德負恩畱玉墀銷魂起別袂愧爾疇明時

潼關使院懷王七季友

岑參

王生今才子時輩咸所仰何當見顏色終日勞夢想  
車到關下欲在阻河廣滿目徒春華思君罷心賞開門  
見大華朝日映仙掌忽覺蓮花峯別來更加長無心  
微祿有意在獨往不負林中期終當出塵網

豐城高安之間憇民家景趣幽邃爲之慨然懷歸

陸游

數家聚雲根細路入叢薄濺濺石渠水來往亦畧約有  
無隣里通笑語婦子樂濁醪時相就青蔬缺鹽酪日暮  
歸閉門績火星煜燐先期畢租稅老不入城郭嗟子獨  
何事早插紅塵脚故山未成歸悵望有餘恠

憶澹臺墓寄王邵二藩臬

楊廉

孔孟久絕響希闊到惇頤隔此千載餘是果眞無師嘗  
聞夢奠後弟子皆四馳滅明遠居楚三百門徒隨後來  
必有傳韜晦人不知不信至濂溪當時猶未奇濂溪實  
楚人所得宜在茲要知南方學澹臺其始基步出豫章  
城旅墳荒路歧樵牧幾弗禁况有麗牲碑古今一名士  
所過多有祠道學乃何物冷灰無人吹幸逢諸當道尙  
德甘如飴此事尙畱意足慰悠悠思

孤山

袁守定

結伴孤山阿石磴何磊砢鳥道屈以盤溼花紛粲錯穹  
谷窈窕衍逸峯森秀削窮幽造其極佇立在絕嶠意氣  
凌長空呼吸通廣漠四顧大圓中其際如鄒廓穩步下  
西岑深澗聞杜若白雲沾我衣振之不可落罨靄迷斂  
蹊縈迴出修薄茲山多神秀乃有雲構約

櫛山

袁守定

仲春宿雨霽理策出蓬戶逐曠意方賒距陸日亭午陵  
緬越山崦澗沿遵水澣枯厓峭可攀哀壑下難俯土門  
及半空石磴乃太古登頓客情驚嶮險我志樹弱草亂  
空蹊寒煙戀深鳴岫雲旣相招松風亦可觀衆鳥欣宵  
冥羣木迎晴煦遙碧恣延覽積氣供含吐矯迹萬山巔  
餘清入心府

初霽仗興遊羅山與濬兒潛兒

袁守定

條風振輿區寒叢雨猶裊晨策依側逕苔滑費登躡板  
蘿每拙遲披雲乃先捷微異散疎性窮高縱遠睫褰裳  
紫翠俱驥首清冥接超興境自夷感物理已愜乍霽恣  
禽言初暄奮草葉東谷窈以深西岑峭相疊想像大造  
初位置何妥貼微軀偶託茲頎然了無挾

從柘陂登招雲山

袁守定

悵望羈晨夕杖策遵蘭甸初景在東隅川原自流絢草  
逕溼香浮石澗飛泉濺黛壑旣宵冥霄厓乃峭舊層阿  
白雲屯半壁青蘿罨峯迴乍相引豁然開生面俯視空  
下界元氣渾可見山隰迤相遭林木鬱成片意到物有  
姿慮捐景獨擅奮足凌嵌空於茲得安便

袁易齋詩集題辭

蔣士銓

愛君冰雪文沁我冰雪胸十年讀萬過至味不可窮坐  
言起則行早躡循良蹤誰呼袁青天楚人萬口同其政  
感人深誠意相涵融豈惟格民恥教養克有終拂衣將  
母歸芷江山叢叢歡聲變悲啼父老連兒童至今頌遺  
愛陟峴思羊公憶我識君初泛艇波濤洶同舟色沮喪  
君貌能和冲竊以驗道力所恃忠孝躬河伯固暴虐對  
君失其雄小別八改歲思積夢屢逢聞君復出山欲建  
濟物功誓天焚告詞貪墨遭極凶翩然宰曲周愛民如  
芷江一役不下鄉訟者自趨從民昔苦徵發符令飛秋  
蓬科派盡鎔銖民瘁官從容君悉罷追呼蓋藏民以豐

官出一柴車官到如父兄叶和氣蒸桑麻雞狗平鬪攻  
服稽竟有秋立政稱良農考績官儀曹僦屋鄰我宮忽  
出一卷詩坐我疎林中水流見花開禽鳴覺山空妙悟  
觀物化深省聞晨鐘清機發咏歎想見靜者衷蕭疎稱  
規矩澹遠爲葱蘢陶杜韋柳間揖讓諸老翁乃知味道  
人吐語含清風取詩合其文水月交溶溶君雖曰未學  
學者誰實工自謙恐類誣得失君豈蒙俗吏對江山強  
顏說明聰剽賊鮑謝篇文飾欺瞽矇那知袁易齋胸懷  
具鴻濛宦成學亦成心手經綸通請看元道州用筆如

還山留別長安知己

王季友

出山不見家還山見家在山門是門前此去長樵采青谿誰招隱白髮自相待惟餘澗底松依依色不改

古塞曲

王季友

進軍飛狐北窮寇勢將變日落沙塵昏背河更一戰駢馬黃金勒彫弓白羽箭射殺左賢王歸奏未央殿欲言塞下事天子不召見東出咸陽門哀哀淚如霰

滑中贈崔高士瓘

王季友

夫子保藥命外身得無咎日月不能老化腸爲筋否十年前見君甲子過我壽云何今相逢華髮在我後近而

白雲志

卷之二十七

藝文

十四

知其遠少見今白首遙信蓬萊宮不死世世有元石采盈簷神方秘其肘問家唯指雲愛氣常言酒攝生固如此履道當不朽未能太元同願亦天地久實腹以芝朮賤形仍芻狗自勉將勉余良藥在苦口

玉壺冰

試帖

王季友

玉壺知素潔止水復中澄豎白能虛受清寒得自凝分形同曉鏡照物掩霄燈壁映圓光徹人驚爽氣凌金鬢何足貴璫席幾迴昇正值求珪瓚提攜共飲冰

京城閑居雜言八首

揭傒斯

都城列萬雉樓觀並飛霞太液深蕩瀟廣寒高嵯峨

譯踰萬國流聲竟四遐既寵瑰異才復保勳舊家忠厚  
歧行藎明照徹羲娥永惟皇上德世世襲亨嘉

二

冀北多良馬漁陽多壯士馬休伏槽櫪壯士襲農器桑  
棗竟中州朝貢四方至外無烽燧警內有耳目寄逍遙  
放長時歡樂永不替

三

濟濟從臣內赫赫公與侯伊昔從我皇守邊瀚海頭荷  
戈十餘載力戰如已憂寸策無遺用長智少淹留勞多  
必重賞功大靡輕酬意氣相傾動恩深身若浮天子乘

豐城縣志

卷之二十七

藝文

十五

六龍垂衣臨九州茅土亘河山甲第隘莊馗四海仰光  
耀出入擁華駟富貴歎如此寵祿信難侔從軍亦云苦  
眷言享斯邱

四

朝從獵城南暮從獵城北白馬喻飛翰輕裘如膏澤塵  
起知獸駭風高驗烏疾隻箭落雙鷺千金出俄刻歸來  
拜恩寵樂飲過一石僮奴增意氣賓客改顏色常恐文  
達士輕薄多瑕擿高門臨廣衢秋風上荆棘

五

朔土高且厚民生勁而彊榆柳雖弱質生植益繁昌



李大於卷棗栗充饑糧誰謂苦寒地百物莫得傷青青  
雲夢竹宿昔似雪霜移植於此庭不如枌與楊竹性豈  
有改由來非本鄉

六

渺渺寒門士客遊燕薊城上無公卿故下無舊友朋裘  
葛不自蔽藿食空營營四顧裁沴餘但聞號哭聲日負  
道德懿敢懷軒冕榮節食慎所欲聊以厚我生

七

高步覽九州誰獨無與親同室不相喻矧彼途路人誘  
誑更驅迫巧詐日眩真共美爲善樂莫知與善鄰未足

豐城縣志

卷之二十七

藝文

十六

保厥躬已謂詒子孫一言易爲義一恩易爲仁世無魯  
東叟何以慰心神

八

衰飈驚野草日夜委鮮敷嗟哉白楊樹高高凌元虛朝  
遊車馬中夕息思故廬塵襟難爲潔野性非京都貧賤  
不自保焉能戀簪裾賴有死與生可齊賢與愚

四友詩

揭傒斯

四友者廣信王廷玉良仲臨川李商弼良佐武昌盧  
廷鸞子儀同里熊坦從正也李亡已七年餘亦亡二  
三年予索居京師每夕夢寐與四友相接傷其皆賢

而無壽又與予篤好迺作四友詩一以誌予哀一以  
槩見其平生云李得年二十二盧二十九熊三十四  
惟王四十有九

王兄負奇偉十四已應門倉卒遭閔凶盜賊蔽邱原衰  
經從伯父慷慨安其人豪橫劇狼虎瞑目莫敢干降心  
相款密共稱孺子賢時應州縣役調笑官長尊酬接雖  
靡監講習日多聞激烈忠憤際委曲禮法間時平俗亦  
康故志農圃言有集課浮湖感龍變嘗泛彭蠡見龍見  
日圃絕負陟巘思鳶騫古笛振哀鍊清琴絃素絃每傷古人逝  
送淚尊酒前與我初識面已誓為弟昆誰謂天不仁中

豐城縣志

卷之二十七

藝文

十七

路遂離分寥寥昂山阿黝黝硯井泉賓客一以散託夢  
與招魂

二

嘉禾不叢生猶為造化欺繁霜凋其葉震雷蕩其枝利  
蟲嚙其根飢禽啄其皮豈無雨露滋不得干雲霓李氏  
年弱冠博通王氏詞援毫捷飛電吐氣列豹螭信如海  
上潮直若琴上絲朗如九秋月温比三春暉志在躋聖

賢甯復顧所私一悟生滅理天地忽若遺

君卒時一日晨興有數道

人叩門謁求作白蓮庵記君援筆而就大為得意有頃忽奄然坐視父母母聞而趨哭之迎謂父母曰某兄弟幸多死生命也勿以為憂既瞑一道人撫其背曰檀越越生好處生好處復瞠目視道人厲聲曰佛法本無生

滅遂卒癸卯二月也楚時厭顏回早聞道短折非所悲  
昇出城初重不勝忽輕如羽  
茫茫後死者終夜獨漣漣

三

武昌故舊中盧生亦奇傑雄才傲當世高誼凌白日貧  
賤有相知富貴莫能折冠蓋如雲霧而獨與予密大德  
七年夏予有長沙役臨河與予別攬袂久嗚咽知心託  
生死誰能此離別千里竟相從風波復炎熱青天入酒  
盃歌笑中夜激便欲乘滄溟迢遙送華髮行行亦云至  
終當與君折捨棹卽長途惆悵如永訣謂如平生懷時  
俗莫能達學不追古人終不願有室還聞起分教小邑

豐城縣志

卷之二十七

藝文

十八

傍蕭索始爲賢者哀那知處淪沒樊山罷歡讌赤壁空  
流月伫立想音容音容一何闊

四

親友日凋謝况我情所鍾熊子三十餘亦在九原中高  
才祇促齡積善適爲凶天道不可依人命如飛蓬夢寐  
常相見炯若生相從亦知心不異矧復里閭同始知緣  
韶學我心實忡忡歸來已三年微疾竟永終薄祿不救  
飢一官非高崇獨令君子亡碧血冷秋風鄰曲恩愛絕  
山川談笑空名家失金匱樛櫟人公宮誰復繼粹溫徒  
用想春容千秋壠山路繚繞劍池東

和劉錄事春雪二十韻

揭傒斯

孟春陰陽戰天地日相磨南風作先驅北風爲之佐雪  
勢忽崩騰十日驕不挫坐令羣生斂無乃真宰過初疑  
鴻蒙開歛若虛空墮山嶽盡埋沒宜復顧么麼遂使一  
束薪自銜千金貨枯枿亦摧勢勾萌豈能荷翻愁地軸  
弱但見天機大安得斬馬劍陰慝一時剉臭腐自神奇  
糠粃自揚簸吾心如堅壁猛士安敢破丈夫非憂患何  
由激衰懦人方履冰走我正掩關卧如何去年冬陽倡  
陰不和飛未未布地忽霽欲誰奈羣動不肯蟄裘褐亦  
交惰春來復何爲僅足收堀堞明朝化泥潦反使憂坎

豐城縣志

卷之二十七

藝文

十九

珂城南巖教授豈昔伯休那踏凍日相從憐我困痰唾  
河濱劉錄事日以詩自課衝寒數過門亦復哀我憚雪  
後復多風日受塵土浣連旬苦上壅達旦擁衾坐乃知  
書生窮只合守寒餓天時與人事倚伏分福禍幸逢天  
子聖大化已潛播家無橘千頭亦有竹萬箇投簪返田  
里濁酒聊自賀

豐城勘隄回上陳芝楣中丞

王暉吉

豐城圩七邑五水所趨歸

吉嶺南  
袁臨

岸西高以仰東接南

昌低當年隄未成縣市散冰漸至今有遺塏孤立鎮水  
犀上衝黃埠慮下洩小港依連歲苦秋漲黃埠形險危

面迎東折溜古埭熊坊墮一決民生墊再潰民食饑小  
港司鍾洩乃不得其時四十八都圖宛在水中坻聞有  
相勘使殷勤迓輜標指訴懷襄處宗族半流離流離不  
足云長久將何為嗟哉聊借籌所費浩不貲縣庫徵解  
嚴正款誰得移民雖請捐辦情景殊匱疲工難費不易  
何以泯怨咨

小港開成放水

王暉吉

上班水車鳴下班無土耕

上班下班  
高低田名

利害爭一隄殺人

無主名百年開閘議功待彥威成奉檄初相際周歷冬

日晴但言豐富

二水名

患支川瀾縱橫

楓口中洲水  
出大江口

高低

豐城縣志

卷之二十七

藝文

二十

區以別鍾洩達其情溺飢惟大府

陳芝楫中丞  
奏請捐辦

人告揀

之隕春流滋夏漲一線江濤乘防秋危瓠子禘襪馨弗  
勝日長役夫瘁麥熟禾亦登而此湖中田晚稻猶恐瞠

上臺惠須溥吾輩持以平勞勞青子衿列炬焜繁星一

朝斗門雷十尺飛建瓴眾歡歆河伯鞭龍來相迎肅冠

以高望中日瑞瀾滌感忱勤黎獻太守拜前旌

張子畏  
太守親

臨城悠悠三十年俾爾倉箱盈

小港觀漲有感

閏月十四日

王暉吉

雪水回頭日

諺語

果然流到門不知自何處環繞空一部

牽層出檐桷盪槩通四鄰長畝渺晴鶩新畬澄細鱗阻

飢無人問含情向余陳隄闕利斯溥雨載曷弗竣費同  
秋賦歛當時眾所欣既不隆其基胡並撤其藩楮顏吾  
爲卷點首聲爲吞理楫涉江干新流高以渾勢方殷倒  
漾計實窮厥堙所恨經歲時坐令誤童昏僥功以行險  
殃民如債軍黎尹事多媚高君議不伸皋共同千古佛  
魔各自尊所由公事家一了非易言微官托逼處守分  
戒爭喧區區增歎長豈有數焉存

諸工報竣寄呈陳芝楣中丞二十韻 王暉吉

九江南楚間一會小洪都水潰爲今患城豐失古腴高  
原崩壙獸鄰壑縱游魚三境積疲敝

南昌新建處  
豐城下游

七年

豐城縣志

卷之二十七

藝文

二十一

空補苴屢傳蠲賑 詔誰繪流離圖時有勤民守每聞

將伯呼

張子畏太守先經  
勸辦義倉城垣

但無

天藻揆徒切野芹輸

非  
無可勸捐

公至一何暮公歸更不徐況當多事日能定

遠深謨倉待飛舄集轍將涸鮒枯艱難臻後效拘執認

先儲

工糜而遲實苦於集費不先然  
必先集費至今無措民不堪矣

功半欣狼戾

去歲  
豐米

九百

世長免雁逋馨明小港祀頌答雷公桴

小港開雷  
公膺各奉

生憶昨移旌旆猶煩系畚鋤爲言水利大能使民生蘇

嘉佑歆

天祿貞恒勉我斲

行舟囑吉盡心工程云前  
江南水利工員無不通達

惟憐萬井蟻乃策羣龍鴛百堵源思飲三千職是居斗  
門飛白雪虹且護黃於德盛無能述詩成樂職餘

苦雨嘆

徐士穀

去冬迄今春簷牙聲浙瀝雨自天上來淚從心頭滴我  
家無良田胡爲憂戚戚哀此病農夫向予道涕泣望麥  
接春荒補豆濟夏日淫雨久沾濡麥萎豆種漬節已過  
清明浸稻包秧急家無升斗儲乞鄰貸衣飾走哀積穀  
翁典質甘重息菜色足輒僵敗絮身遍濕負歸作籽種  
一淚珠一粒剝肉權補瘡人肥我先瘠旱潦更可憂死  
亡恐將及仰面訴昊蒼昊蒼莫我恤予聞農夫言走筆  
淚沾臆是果天不仁毋乃民有疾豈無高明家綺羅耀  
金碧亦有絛袴兒肥甘滿几席作態氣驕人招怨鬼瞰

豐城縣志

卷之二十七

藝文

二十一

室天道最好還從不差杪忽稼穡本艱難所得不償失  
欲求飽有年先守飢無逸晦冥霽有時貧賤當努力災  
滿卽和甘風五而雨十俚語勸農夫寫黏汝家壁

苦竹洲聞雁

胡蘓亭

胡不樂游原胡不桃李園是誰呼苦竹洲水相潺湲客  
心况憔悴雁語尤紛煩驚霜清似鶴叫月哀如猿乃令  
聞者思思者悄無言默默爲雁惜南北勞馳奔隱隱向  
雁語寒暄變朝昏題塔日幾輩爾獨困籬樊傳書日千  
里爾獨羈江村去去無復鳴長風起蘋蘩

初秋遊飛旆山登樓遠眺

熊浩

山以旆得名名嘉非虛附父老遞相傳物是武當故夜  
半忽飛來詫有神呵護草昧厥梵宮真武像嚴塑廟貌  
今巍峩旆飛歸何處往事多悠悠茲山愜予懔願言陟  
其巔不憚崎嶇步好風天際吹林端抽宿霧側聞松籟  
鳴晴作江濤怒萬綠垂濃陰蘚苔繡古路到門老僧迎  
邀之入淨住層樓坐生寒秋意滿蕭寺開牕四望逼孤  
羅寸青具江漢浮乾坤吳楚界堪數憑眺獨驚心曠然  
起遐慕

泰氣嶺

歐陽勳

泰岱半天青劍氣千年紫奢望苦迢迢尋幽道在邇桑

豐城縣志

卷之二十七

藝文

二十三

柘十畝間雲峯自嶢嶻中有仙人泉可爲活命水又有

若木枝直與杏林似

嶺有仙泉樹  
枝可療百病

結寺山之巔慈龍雲

樹裡幾年燈火緣夜窗紅透紙雲氣日細縕如助熬峯

子

部曹熊春臯未遇  
時嘗假館於此

安得張與雷重掘雙龍起行雲登

岱宗眾山一粟耳泰氣雖崕嶠佳名聊爾爾

晚次豐城

踏莎行

吳秉仁

樹遠煙橫沙明鴉亂山頭一抹斜陽淺望中城郭片帆  
收桃花水漾東風軟劍氣潛消魚燈隔岸清宵耐盡孤  
篷掩閒愁大半旅人多旅愁又在黃昏半

七古



觀于舍人壁畫山水

王季友

野人宿在人家少朝見此山謂山曉半壁仍棲嶺上雲  
開簾欲放洞中鳥獨坐長松是阿誰再三招手起來遲  
于公大笑向予說小弟丹青能爾爲

代賀枝令譽贈沈千運

王季友

相逢問姓名亦存別時無子今有孫山上雙松長不改  
百年惟有三家村村南村西車馬道一宿通川水浩浩  
澗中磊磊千里石河上淤泥種桑麥平坡塚墓皆我親  
滿眼主人是舊客舉聲酸鼻問同年十人七八歸下泉  
分手如何更此地回頭不語淚潸然

豐城縣志

卷之二十七

藝文

二十四

寶劍篇

郭元振

君不見昆吾鐵冶飛炎煙紅光紫氣俱赫然良工煅鍊  
經幾年鑄得寶劍名龍泉顏色如霜雪良工咨嗟嘆奇  
絕琉璃匣裏吐蓮花錯鏤金環生明月正逢天下無風  
塵幸得用防君子身精光黯黯青蛇色文章片片綠龜  
鱗非直結交遊俠子亦嘗親近英雄人何言中路遭棄  
捐零落漂淪古獄邊雖復沉埋無所用猶能夜夜氣衝

天

可歎

杜甫

天上浮雲似白衣斯須改變如蒼狗古往今來共一時

人生萬事無不有近者抉眼去其夫河東女兒身姓柳  
丈夫正色動引經豐城客子王季友羣書萬卷常暗誦  
孝經一通看在手貧窮老瘦家賣履好事就之爲攜酒  
豫辛太守高帝孫引爲賓客敬頗久聞道三年未曾語  
小心恐懼閉其口太守得之更不疑人生反復看已醜  
明月無瑕豈容易紫氣鬱鬱猶衝斗時危可仗真豪俊  
二人得置君側否太守頃者領山南邦人思之比父母  
王生早會拜顏色高山之外皆培塿用爲義和天爲成  
用平水土地爲厚王也論道阻江湖李也疑丞曠前後  
死爲星辰終不滅致君堯舜焉肯朽吾輩碌碌飽飯行

豐城縣志

卷之二十七

藝文

二十五

風后力牧長廻首

宿東溪李十五山亭

王季友

上山下山入山谷谿中落日留我宿松石依依當主人  
主人不在意亦足名花出地雨重階絕頂平天一小齋  
本意由來是山水何用相逢話舊懷

發豐城縣

陸游

豐城古縣已再遷出郭十步江渺然冷雲四合欲下雪  
柔櫓數聲初放船孤村燈火照破驛客子何以娛今又  
不辭金盃醉十分要開玉花深一尺

遊曲江分韻得月字

姚勉

曲江磯頭山翠律此景江南誇第一漁舟晚弄烟波開  
市樓春映晴嵐出擁輿寒吟入畫圖席地草飲成真率  
且叩山房僧榻眠再上山林待明月

劍江驛樓

舊曰寶氣亭  
今撤而爲樓

吳澄

雙龍飛去已千年斗間紫氣夜黯然却令往往來來客  
坐閱朝朝暮暮船天地與亭俱傳舍舊毀新成更代謝  
舊亭不見見新樓新樓誰作今州侯州侯温温廊廟姿  
三年蒞政民不威政成遺惠及賓旅又與江山發新趣  
昔舊今新新復舊劉郎去後何人冑樓新樓舊謾勞心  
江光山色只如今著我憑闌觀水際游目兩閒尋寶氣  
猜嗟世上無張雷有缺莫彈歸去來

豐城縣志

卷之十七

藝文

二十六

劍江驛樓

熊朋來

人生南北幾驛亭相過豈復能忘情向來此地多經行  
往往所見如襄城眼中忽然此笑兀飛囊射影魚龍驚  
我來欲續王粲賦今日何日霜初晴平沙雁寫落木瘦  
前山翠抹斜陽明何當爲我期張雷相與呼酒澆不平  
須臾劍氣天外橫但覺拍岸怒作波濤聲

月夜登曲江樓識別諸君子

袁懋謙

劍水逶迤通章水迴環屈曲限中沚沙如滿月月如沙  
樓臺倒影澄波裏扁舟幾日滯吳臯故人杯酒美遊遊

驚看素髮俄成嘆忽洒新詩興益豪此別相望才百里  
吁嗟故人心尚爾登樓遲月月在尊四面江光冷侵几  
酒船次第江上來烹鮮更盡掌中杯今宵愛月愁分手  
明月停雲獨上臺臺上月如今夕好人生一別一回老  
蘭菊經秋惹恨多雁鴻中夜傳霜早非關合易生悲  
戀爾多情金屈卮預想屋梁回夢日轉見江樓對酒時

劍迹

在密嶺

胡之姓

鳥道逶迤白雲裏就中一石平如砥何人忘却古魚腸  
千年共訝成秋水到來猿鶴盡相疑無數魚樵不敢指  
我欲借君斬不平苔花繡濕揮難起

豐城縣志

卷之三十七

藝文

二十七

遊感山海慧寺

時自章門  
放舟歸縣

高岑

滕王閣前夜放舟逆流破浪乘清秋風帆得勢如飛鳥  
倏忽百里驚雙眸明星漸沒風漸息扁舟暫艤江邊洲  
曉山一抹近在望舍舟從陸窮其幽我聞此地有勝蹟  
雪坡遺韻猶風流捭衣舉步過前嶺霜風一片寒颼颼  
境僻轉深疑無路寺門兀立山之陬循廊乍入萬籟寂  
但聞啼鳥鳴鈎輈山僧爲我作前導松杉滿院陰雲稠  
禪房那有塵可掃杳然宴坐忘煩憂量泉然火烹苦茗  
清香滿泛山中甌從容更爲作麥飯盤餐筍蕨供頗周  
迤西塔院亦勝地又復邀我同過遊千竿萬竿竹夾徑

閒房半欹誰添修送我作吏僅一載風塵執掌無時休  
縱使未必俗徹骨對此山色徒增羞蕭然心跡忘去住  
回首頓覺浮生浮白日西下風更作舟子促歸不可留  
解纜鼓棹去轉疾晚鐘造發聲悠悠城門半啟待歸客  
仰見涼月明當頭

遊龍光書院

甘輿仁

龍光海內爭傳頌院落巍巍齊鹿洞紫陽去後幾百年  
想見風流千古韻我來湖北過柴塘訪勝拜瞻昔

素王學舍參差環羅列堂名心廣傍宮墻小齋低塚殊人  
境芳草無邊埋幽徑六經樓閣各空存遙遙劍池相掩

豐城縣志

卷之二十七

藝文

二十八

映昔年掌教舊知名考古還須弔古人元有圭齋明匡  
嶽講席依然無俗塵几靜窻明動幽興萬籟清聲相  
應幽篁隊裏奏笙簧都向毫端相答贈二十年來仰龍  
光今日夢魂方醒醒曰歸曰歸日已斜髣髴溪聲問鐘  
磬

張真人象山圖

山乃陸文安公講學之地張氏自唐  
以來世居其間其先亦多從文安公

受學者 排律

揭傒斯

江左各山大象尊遙瞻猶似哲人存先生有道行天地  
弟子環溪長子孫孔李通家從古昔神仙開府自淵源  
豈徒世荷真人誥更有分乘刺史轡陸氏已隨塵世換

張公獨異聖朝恩諸峯盡化旌幢立流水皆成珮玉喧  
洞裏胡麻天雨種巖前叢桂月移根綠崖時見嚼花鹿  
汲澗常隨飲子猿青鳥晝傳王母信蒼龍夜泣老蛟魂  
飛雲甘卧山頭石鳴鶴難忘日下軒從祀壽宮恒近侍  
受釐宣室或深論尚方制服黃金重大府分圭白玉温  
扈從多騎天廐馬會朝長次赤墀鶴渴沾瑞露來中禁  
飢食蟠桃出內園誓使民風齊混沌仍祈主壽過軒轅  
歸來爛醉東西塢更爲文安理故園

### 截臂行

崇仁克民陳平爲盜被族人執平反誣族擊傷其父  
又醉其弟斷一手訴於州州爲所欺自平奸謀旣逞

### 豐城縣志

### 卷之二十七

藝文

二十九

而效之者益衆因作  
截臂行告在位者

吾聞兩臂重於天下不可廢知之不必子華子愚民氣  
焚胸一忿敢趨死以死視四肢截臂如去指嗚呼巴陵  
之民何以有此風疾病利害人所同甘心一臂捐糞壤  
終身廢卧閭閻中前年截臂渠得理今年截臂吾亦爾  
村南截臂殺平人村北包咻還準擬虺虺民虺虺民心  
若此非吾人有寃自可次第訴毒人何必殘其身閭者  
莫驚喧此弊吾能言其初姑息吏不與杜其源嗟哉惡  
俗傷仁厚明明有寃宜勿受一奸不濟百奸消其致和  
平禱在宥

題臨江同知問流民事蹟

揭傒斯

江北流民七十口三十餘年在江表朋冤結惡四百餘  
白刃差差厯村保崩騰所向如投空白晝攫金都市中  
頃由南昌入豐邑反賂守者爲先容長官坐堂竄入室  
妻子莫逃况金帛豈無鄉民敢相敵長官一揮翻辟易  
臨江貳守廉且武手縛其渠散其伍豈惟鄉民得安堵  
鄰境聞之皆鼓舞其渠在獄伍四歸太府上功民俗熙  
乃知一念敬厥職萬事至難皆可爲人民社稷我所有  
安得坐視如雞狗人在雞狗猶愛之民社豈在雞狗後  
請君看取臨江守

蘘荷山

揭傒斯

蘘荷山碧孱顏拔地維蠹天關上有靈泉真人煉紫丹  
下有揭氏子孫藏其間神飈六月飛霜寒古人不可見  
真人飛入越王山越王山倚天立桃源蕩蕩車馬入海  
上青禽不必來人間絕境紛成邑我家蘘荷陰移家恨  
不蘘荷深青松之葉蔭我屋白石之薦弦吾琴蘘荷再  
生吾丹再成冥冥我祖去而上昇靈泉援手引我太清  
足跨五色鸞手掉金芙蓉浩然拔宅凌天風九州四海  
如脫屣空畱遺響此山中

世亂鬱鬱殊有方外之志而人事糾纏未易擺脫書  
遺同志冀終當不負斯語也

世亂紛紛殊未已赤爪紫貂胡爲爾通人瞬息祇一夢  
眼前惟見東流水憶昔翔步承明廬高議雲臺校秘書  
黃屋飛灰塵滿野遺生萬死嘆淪胥幾年棲遲衡門下  
水月澄觀萬緣假幸遇開士作比鄰相期共結蓮花社  
開士青瀛方少年雪山金粟一燈燃煉得身輕如野鶴  
養成定性似青蓮窮愁鬢髮幾星星栗里高風號獨醒  
待予步入廬山路携手虎蹊三笑亭

梅仙觀

馬子才

漢綱解宏紐國命移權臣太阿有神鋒顛倒柄在人公  
卿雖滿前有語各自吞張禹爲帝師此是禍亂根天子  
辟左右決機在一言不爲社稷計祇乞兒女恩上方斬  
馬劍當時負朱雲谷永對直言天庭策災氛陰謀助元  
惡歸咎昭陽嬪豺狼自此縱白晝當路躡先生當是時  
上書叩帝閣耿耿禍福語皎皎星與辰天門鎖九重一  
呼萬夫屯小臣江湖心何能達至尊賊莽果盜國忠烈  
遭烹焚先生變名姓爲卒吳市門浮雲去無蹤世人以  
爲仙蓬山在何處此事且勿論但愛清風高凜凜久益  
新我來拜遺像舊宅荒基存道士住在真人峯欲往見



之路無蹤去年許我入城市塵埃暗天待不至莫往莫  
來勞我心道書寄我千黃金璽衣肉食慮謀短文字滿  
前看不見口傳指授要有時脫去羅網尚見知梅翁漢  
朝南昌尉手摩龍鱗言世事一朝拂衣去不還身騎白  
麟緊紅鸞我今雖復墮塵土道士何不與我語他年策  
足投名山相逢拍手一破顏

孝子行

并序

查居廣

豐城廖孝子立孫至元十九年鄉寇大作子負母  
冒刃逃及亂靖孝養終身與江革不殊惜無史書  
之者揭翰林題其墓曰有元純孝廖某之墓又爲

豐城縣志

卷之二十七

藝文

三十二

作文刻石虞學士書之

豐城昔在至元歲寇賊紛紛亂如鬼是時廖生抱母行  
不死白刃天有情因知至願天必感母子全活見太平  
廖生雖死猶未死往往遺民言此事有如江革遭亂離  
負母潛逃經險阻情詞惻惻賊舍之孝德還堪耀今古  
嗚呼薄俗獠獍同墓上請看純孝子

按通志孝子行係查君居廣作前志誤爲揭文安作  
并其序逸之今訂正

密泉篇

有引

胡學浹

密山有泉佳甚從無稱焉余自丁卯讀書山上始

因題曰密泉賦密泉篇以紀之

密山之巔高挿天蒼樹白日繞晴烟江水帶圍披素練  
松風葉隙響朱絃逶迤杳靄深樵路石磴仄出瀉紅泉  
世人嘖嘖惠山傳那知此水直萬錢瓦鑄盛來活火煎  
茗新湯嫩甜中邊我與此泉約爲主午天夜月展新編  
讀罷爐聲沸耳鳴對泉獨酌自嫣然因憶去年醉金山  
脫巾大叫狂欲顛風雨劍舞驚瑤席雲煙筆落染花箋  
金山之泉泉澄鮮素綆萬尺通長川樹來芬芳撲醉面  
山光水色共留連此泉非復金山泉二泉平等莫誰先  
若言甘冽沁雙頰此泉聖兮金山賢山靈欲語無可語

豐城縣志

卷之三十七

藝文

三十三

淹抑不知幾歲年赤日火雲飲渴鹿淒風凍雨下飛鳶  
我今兩掖挾飛仙對君高唱密泉篇莫愁世路無知己  
三尺寒泉空抱憐

大水歌

熊履廷

嗟我豐城大如斗顛吉臨袁水之口春夏交漲勢建瓴  
衝堤裂岸雷聲吼廬舍漂沒陵谷遷屈指安能數某某  
城頭但見鳧鷖宿村中儘教魚龍走捲將禾稼入洪濤  
那計千疇分萬畝滿篝滿車轉盼間終歲之望成烏有  
青黃不接桂玉難泣對波臣徒疾首十八年中四見災  
嗚呼是誰職其咎馮夷一怒頗泰然可知民不堪命否

酬李十六岐

王季友

鍊丹文武火未成賣藥販履俱逃各出谷迷行洛陽道  
乘流醉卧滑臺城城下故人久離怨一歡適我兩家願  
朝飲杖懸沽酒錢暮餐囊有松花飯子何一作車馬日  
憧憧李膺門館爭登龍千賓揖對若流水五經發難如  
叩鐘下筆新詩行蒲壁立談古人坐在席間我草堂有  
卧雲知我山儲無僮石自耕自刈食爲天如虎如麋飲  
野泉亦知世上公鄉貴且養邛中草木年

豐城歎

喻成龍

昔日赤帝子拔劍起蒿萊斬蛇芒碭間羣情頗推戴紫

豐城縣志

卷之二十七

藝文

三十四

氣爛熳鬼夜哭駕馭羣雄逐秦鹿休運四百終魏武司  
馬乘之心良苦無何宇宙復雲擾猛噬矯勝互征討星  
分獄底吐光芒風塵未息徒草草只今常聞延平津白  
日霹靂躍晴昊君不見當日荆軻持匕首猶令秦王繞  
柱走

明月行

題鶴村杜節母

高以本

天高高不可越夜漫漫一輪月高天明月臨劍江照見  
杜氏白玉牕杜氏婦丁氏女各念熊女之父生女德與  
學宮署四齡讀毛詩十齡工作黃絹辭青天萬古月一  
片著之方寸常光輝叔父如父爲擇偶丁氏女作杜氏

婦上弦下弦值十九璧月團圓嗟未久結襦兩載夫云  
徂絕粒數日絕復甦欲死不死心躊躇前妻之子三歲  
啼呱呱撫孤難死節易況有高堂姑夫死妾當事上明  
月下泉室婦中央同皎潔鶴鷺深夜呼鬼伯行覩覩今  
年殺兒明年殺姑節婦子身病不起至此定拚一死矣  
婦死不死神來扶持妖物瑟縮逃何之婦不死夫有子  
夫叔之子名曰鏞香火一脈承大宗以長以教毛裏同  
心悽迷曰中壘手胼胝機上絲月影東升復西沒母子  
一燈燈影兀翠竹蒼松不改容節母詩句垂老金萱心力竭  
生丁酉卒庚申二十一未亡人八十一冰雪身子復得

豐城縣志

卷之二十七

藝文

三十五

子孫抱孫一堂四世依貞筠梅花香滿天地春乾隆大  
歲在乙巳節婦姓名達閭史令曰請旌母曰止高天明  
月能鑒之未亡所歷乃分耳綽楔於今久不下母死心  
安邑人詫我濫符竹來豐城劍江之水清復清揚清激  
濁令之責潛德未耀彌恆營遺像遺編驚乍覩五十一  
詩血縷縷明月行天萬萬古豐城鶴村杜節母

恭紀

周文鳳

恩諭飭廣學額併獎敘

笑問春風何處來病翁卧榻忽軒舞道是我

朝沛

聖恩一紙飛來快爭覩徐子

崧喬聶子

天

正襟坐

二子來告

九重頒諭德音溥納輸再廣弟子員

光照西江早安堵前番粵寇擾中原軍餉奔趨實勞苦安史

縱橫競跳梁郭李聲威爭破虜廣術交衢備兵戍星霜

飛輓雜行伍千村萬落旗幟光六鄉團練雲屯聚鄉紳

鄉勇醵錢堆萬億京垓何足數豪家不復惜朱提武庫

兼儲非一杜紅巾潰散不成隊黑山降服亦圭組平淮

入蔡要旌功千古文章韓吏部丹鳳銜來

五雲詔獎敘攸分

飭藩府周諏再

豐城縣志

卷之二十七

藝文

三十六

命大中丞

沈

蘭芷齊升台為譜州縣七二爭翹楚拔十豈惟

得其五劍池昨夜龍光出博士門中坐塵塵同儕愆息

眉色飛書冊書名告召父桃李春城合在斯寄語春官

先領取

靈槎廟碑詞

劉瑄

排空騰上靈異彰蛟鼉回泛助英揚朔風雨雪不可望

帝命廟食垂衣裳笑倚長劍任翱翔游龍靈虬交馳驤

力驅癘疫并螟蝗咸為哀籲際太康神兮來歸從東廂

的盧汗血此遊韁新宮潭潭椒塗芳迢迢丹蘄漢未央

羅山鳳翥雲蒼蒼豐水鴨綠波湯湯賜履有截王無疆

福我壽我慶餘長我有田疇被青黃而雨而暘收穰穰  
於惟春秋薦蒸嘗後之千載不敢忘耄倪世世薰爇香  
羣仰仙槎朝紫皇

劍池歌

周承志

昔晉時有雷煥者妙達象緯指四方夜看紫氣冲牛斗  
從而分野指豫章張華命作豐城令掘於獄地之中央  
喜得石函幾尺許異代理沒非尋常劍苔別蘚起雙劍  
其名莫耶同干將拭以西山華陰土晶瑩詎止百倍光  
兩人持此各身佩究之神物誰能量延平武庫何處覓  
千年遂使龍騰驤迄今遺跡杳難測只留空地落熒塘

豐城縣志

卷之二十七

藝文

三十七

翩爾其來見清澈徑欲沿波多混茫干頃汪洋水灑灑  
一泓照耀天蒼蒼寶鏡翻沉新月色珍珠倒映小星芒  
春融晴旭澄見底秋走纖鱗靜不揚最是偶然風雨夕  
聲蕭蕭兮復琅琅雷爲發鼓震霹靂電尤着鞭交輝煌  
隱怪迷離敢逼視影橫橫處尚昂藏自古靈氣經變化  
精力長未盡喪亡出雖乘雲瞻際會終猶卧泉增感傷  
故址豈隨日銷鑠鬼異守護還匡勳四圍環繞烟樹裡  
願學孺子歌滄浪

五律

經豐城劍池

陰鏗

清池自湛淡神劍久遷移無復連星氣空餘似月池夾  
篠澄深淥含風結細漪唯有蓮花鏑猶思匣中雌

送豐城王少府

楊炯

愁結亂如麻長天照落霞離亭隱喬樹溝水浸平沙左  
尉才何屈東關望漸賒行看轉牛斗持此報張華

寶劍詩

崔融

寶劍出昆吾龜龍夾彩珠五精初獻術十戶競論都匣  
氣衝牛斗山形轉轆轤欲知天下貴持此問風胡

豐城縣志

卷之二十七

藝文

三十八

復過盛家洲

朱子

欲復問何處行遲稍認門路從幽草入巷與綠楊分市  
靜人初遠言忘意獨存所經得賢俊猶足慰斯文

同温如竹國舟中晚眺

朱子

長江一萬里披豁暮雲空極浦三年夢扁舟二子同離  
離浮遠樹杳杳沒孤鴻若問明朝事西山黯靄中

過豐城作

朱子

渺渺豐城縣回頭憶舊遊晴江羅遠樹宿莽亂中洲寶  
劍今鱗甲神光尚斗牛他年還記得此夜一扁舟

龍霧洲雪

劉辰翁

此處幾人行隔波搖暮晴洲迴江似玦山遠雪如城離  
合看雙櫓荒寒又一程今年梅未醉最覺別來輕

望羅山

陶弼

尋山入羅阜旋結草堂居花露生瓶水松風落架書聞  
猿得句後見月出行初此夕雲林下無因夢使車

清明登曲江亭閣

李夢陽

寒食花猶麗豐江柳處深此行元感慨落日更登臨浩  
蕩五湖際風煙千里陰坐看舟楫急徒切濟川心

豐城夜泊

李夢陽

夏至北風起晚晴涼意增江船逼新月沙色亂疎燈暗

豐城縣志

卷之二十七

藝文

三十九

槩故相撥浮陽還自蒸倚檣看劍氣仍見斗間曾

雨泊豐城

李夢陽

古岸花層濕陰江鷗半飛波迴撼船重雨側入簾微潭  
愛金華湧亭傷寶氣稀三年二歷此腸斷北舟歸

遊東門白雲寺

羅洪先

清淨東門寺幽閒禪坐宮寒潭波漾月翠竹影搖風野  
草年年綠山花月月紅乘閒登此地不讓海南峯

望羅山

陸應箕

秀嶂分霄半青螺近日邊千巖雲作帶萬壑樹爲煙望  
隔人間世神遊洞裏天遙遙笙吹起鸞鶴引羣仙



登磯上樓同傅敬初分賦

黃汝亨

盡是他鄉客同登磯上樓斗間橫劍氣山下折江流日  
影片帆落雲光半檻收無為問蝸角勝賞且淹留

寶氣樓燕集

邗士毅

雨歇三春後樓開四望中野航凌浩淼平楚間青蔥飲  
劇浮新玉潭深起暮鐘驚人詩在耳帝座若為通

遊白雲寺和羅念菴韻

李維喬

東門開淨域城闕秘琳宮花落渾飄雨旛飛却動風鐘  
聲千古寂龕影一燈紅何必遊天竺居然第一峯

藥湖

徐曰德

豐城縣志

卷之二十七

藝文

四十

靈泉鳴玉液窈窕稱仙湖介嶺山仍巖石龕水自紆河  
源遡濯錦霞綺明流酥鍊藥何年事驂騑蹟有無

東門白雲寺次羅念菴韻

時同丁伯厚圍棋

胡學浹

踏晴穿曲逕城下法王宮春滿湖湖水花飛樹樹風苔  
深雙屐綠佛暗一燈紅終晝酣棋劫恍疑海上峯

劍池

王舟瑤

舍權遙遵陸悠悠屐屢停池云埋劍處水尚帶龍腥日  
暮山逾碧祠荒草自青千秋奇絕事獨立想精靈

遊蓮湖

即平港湖

熊儕鶴

豐城古澤國也東南多湖而不以湖名雨餘潦合

滙派瀾涯則時爲湖云爾當其爲湖室虛鳧浮堤  
橋梗斷雷雨乍冥風日條麗遙青冒山澹煙帶郭  
月湧波流火明岸曲景不一設致有殊觀余同十  
四人泛遊其中顧而樂之曰西子郎官寧是過乎  
未經品題幾令湮沒各賦詩以勸遊庶閱蹤而稱  
勝時戊戌夏五也

留連聊自適感慨更誰陳擊楫厓南土瞻星戀北辰放  
歌緣有客邀月若無人高會良堪舉名區那復湮

遊龍山

省志 熊字鶴

城居不得意且向曲江灣眺遠舒雙目登高斷宿攀流

豐城縣志

卷之二十七

藝文

四十一

年從逝水大業託移山笑倚磯頭石吾心共爾頑

梅仙壇

陸履敬

漢綱嗟解紐肥遯向山阿仙事殊難問諫書遂不磨壇

餘丹竈冷殿古篆碑訛歎息松陰下斯人不可多

暮春遊海慧寺宿洞明寒碧軒

李予瑋

古寺何年創前朝有勅書雲藏松徑曲風動竹窻虛客  
到神先肅僧閒步自如齋堂方飯熟頭上日當除

二

只似遊方者初來到上方塔留僧骨古燈照佛容莊以  
未刪繁竹因而易夕陽五更鐘磬動幽夢滿禪牀



落倒清影寒魚唼綠漪斗間迷寶氣誰復問雄雌

孤山

夏汝祺

聳翠凌霄漢孤峯欲冠羣縱橫開地軸吐納映星文排  
闥秋飛爽舒屏暮捲雲芙蓉看秀發佳氣共氤氳

登三角山

劉啟江

崎嶇盤曲路蠟屐謾思來指顧千邨渺嘯歌萬籟開仙  
峯低日月浮邨仙會樵谷宿風雷蒼翠交橫處猶傳孺

子臺

訪寶氣亭

唐鍾毓

寶氣何年矗一亭空繫之瞰江無剝影鐫石有餘思謂李

豐城縣志

卷之二十七

藝文

四十三

黃二公碑指點斜陽渡低徊古驛岐涪翁留絕艷客步費攀  
追

過海嵐寺

甘紱

覓徑疑無寺到門始見僧奇峯留客住幽閣耐人登雨  
後林逾靜風生水自澄纖塵從不著塵尾共高朋

登香山閣贈無學上人

省志熊履廷

竹密藏高閣攜筇勝可攀好風黃葉路清磬白雲關水  
故當軒落山如列檻環忘機沙上鳥日共老僧閒

過仙姑嶺

山在五坊出東門七十餘里袁潛

乍至若無山山藏萬木閒偶聞擊磬者始覺有禪關憇

馬長林密開尊古寺閒曰歸尋舊徑夕照帶僧還

豐城劍池卽事

章孝標

神功不復見小池空在茲因嫌衝斗夜未是偃戈時岸  
古魚藏穴蒲凋翠立危吾皇別有劍何必鑄金爲

贈溫如竹園

朱子

昔日豐城劍寒光射斗牛江山餘秀傑人物尙風流二  
妙今難匹孤帆客倦遊還家問師友折節慕前修

別鄉友徐明初

揭傒斯

僕近遊集賢以使事過錢塘方卧疾於此而本邑徐  
君智判廣德簿亦以公事至陞吉安同知遂握手敘  
數年之別云

豐城縣志

卷之二十七

藝文

四十四

南州高士後千載尙斯人桂酒湘南夜梅花嶺外春中  
年淹簿領隨處號廉循誰料西湖上相看白髮新

夢蕉亭寫興

游潛

閑亭移淑景天暢好懷新小雨溼苔髮輕風颺翅塵鳥  
啼花外暝人醉柳邊春碧水丹山在囂囂舊屋貧

過元貞寺

陸應南

不知禪誦處數里費幽尋石畔野花發林根池水侵名  
香浮霧氣清梵轉潮音誰執青松柄來參智覺心

苦竹洲聞雁

王士正

孤舟聞雁唳春思滿江湖北去經彭蠡南飛異鷓鴣已

驚關塞遠深念雪霜徂故國多煙水音書好寄無

自豐城抵萬安江水大漲

陸棻

春光灌潦水百堵沒滄洲釜已遊魚鼈涯難辨馬牛櫓  
聲來木杪帆影度城樓雙劍沉何處青宵起暮愁

遊招雲山寺

袁守定

雲勢鬱巘岫招提出木端松根盤石瘦山背護冰寒觀  
化意何極談元趣未闌煙霞窺色相日盡下方寬

贈孤山友人

袁守定

孤山有素士孤寄此山中坐外一松老吟餘萬籟空同  
盟惟白水故物有清風看爾動高躅搢笻絕壁東

豐城縣志

卷之二十七

藝文

四十五

北宸山

溫際龍

古刹芳洲上寒江淨綠波葉黃秋岸遍園紺夕陽多梵  
響空林度天清塞雁過喧卑城市遠野月照藤蘿

始至都天寺示同學

敖宗瑚

夙昔憐初地招尋得化城松風轟古榻竹影落前楹喻  
法諸天近傳心一笑迎夢中如有覺相與悟無生

回首驚塵處勞勞二十年解來心上佛踏破火中蓮色  
相原空際人天各自然寄言同學者契道試參禪

送于滄巖夫子謝病歸里

丁猷駿

友教來南國離思悵北征江湖雙棹遠海岱片雲橫夏

日新爲政春風舊得名憂民如有病回顧倍悽情

七律

酬王季友題半日村別業兼呈李明府郎士元

村映寒原景已斜煙生密竹早歸鴉長溪南路當羣岫  
半景東隣照數家門通小徑連芳草馬飲春泉踏淺沙  
欲待主人林上月還思潘岳縣中花

送宇文遷明府赴洪州張觀察追攝豐城令

時長卿在州

劉長卿

送君不復遠爲心余亦扁舟湘水陰路逐山光何處盡  
春隨草色向南深陳蕃待客應懸榻單父之官獨抱琴

豐城縣志

卷之二十七

藝文

四十六

儻見主人論謫宦爾來空有白頭吟

贈王允文

楊萬里

碧落先生少可人銀鉤繭紙苦稱君談閒口汲西江水  
句裏家傳南浦雲千里端能來命駕一尊得與細論文  
還家剩草三千牘看策平津第一勲

寶劍詩

李羣玉

雷煥豐城掘劍池年深事遠迹依稀泥沙難掩衝天氣  
風雨終思發匣時夜電尙搖波底影秋蓮空吐鏢邊輝  
自從星坼中台後化作雙龍去不歸

寶劍詩

陳陶

秦帝南巡厭火精蒼皇埋劍古豐城霸圖繚緜金龍勢  
坤道扶搖紫氣生星斗卧來閒窟穴雌雄飛去變澄泓  
永懷惆悵中宵作不見衝雷發匣聲

梅仙觀留題道士楊智遠

蘇轍

大隱清名格帝閭真人新寵粲王言南昌補吏官雖小  
北極通班道更尊諫疏不容強漢室仙風聊復傲吳門  
我來物色朝元處山遶星壇水遶村

寶劍詩

祖無擇

巧冶何年百鍊金刺鍾芒刃此湮沉氣衝牛斗雖難掩  
鑑遇張雷始見尋恍惚莫窮神物遠波瀾空在曲池深

豐城縣志

卷之二十七

藝文

四十七

鉛刀強也思磨拭悵望西山與華陰

曲江亭

李義山

家住千峯紫氣邊總無餘力買江天偶陪禁苑衣冠集  
還結磯山杖屨綠煙艇垂綸紛可數風帆信棹去無前  
作亭誰助臨觀興只爲鱸魚也自賢

甘露臺

李義山

掃除黃葉上崔嵬講座雖虛尚有臺歲晚喬松典型在  
煙江疊嶂畫圖開不知瑞露從何降應是慈雲爲客來  
須信中邊甜似蜜吟詩未足報瓊瑰

甘露臺

姚勉



勢接匡廬地脉長屹然西峙號堯岡畫屏斜映有新月  
螺黛高遮無夕陽寒靄入簾清弄影晴嵐滴草露生香  
故家門第多相向吟對能教世慮忘

劍池夜月

甘惟寅

三更月出做樓臺邑令清虛府洞開龍劍光依星渚動  
鸞簫聲度海天來臨淵珠樹涵明月出壑冰壺淨素埃  
東晉物華虛匣在昇騰空想躡雲回

梅仙峯

危素

疏諫當年奏漢宮至今名跡徧諸峯經臺半掩三花樹  
丹臼橫遮五粒松近水衣裳清露濕並崖芝朮白雲封

豐城縣志

卷之二十七

藝文

四十八

因君更憶非非子杖履登臨得屢從

曲江觀漲咏懷

熊卓

拍岸忽傳春水漲柴門卽傍浪花開帆衝急雨籬前落  
鷗逐奔濤樹裏來已被風光時引眼更多愁病獨登臺  
欲濟何處有舟楫遲日蘋風生野哀

過正法寺

楊子榮

修篁古木劍城東城市禪林一境通繞砌虬龍初奮雨  
滿窓環佩晝鳴風花明貝闕晴雲護香裊金猊紫霧籠  
最喜上人情不倦蒲團盡日坐談空

密嶺晴嵐

涂善

講師曾此雨天花臺築山椒幾歲華一蓋雲松擎羽葆  
四盤江水走龍蛇好教絕頂峻層出莫放濃陰蒼蔚遮  
應有醍醐餘味在僧房試覓一杯茶

華嚴院

黃彥平

懶病尋幽意已忘茲辰得與步崇岡一聲啼鳥喚愁醒  
百尺遊絲惹恨長沙際旋供隨意綠雪餘何物返魂香  
江南春色凡如此誰作新詩爲發揚

海覺寺

李昂英

歸舟如箭駕風蒲纜繫村南日已晡着個招提洲十里  
供渠常住木千奴斗牛光怪還疑信龍霧空濛付有無

豐城縣志

卷之二十七

藝文

四十九

試問老僧僧不語禪房靜對佛燈孤

海覺寺次李文溪壁間韻

文天祥

閣黎鐘後訪團蒲江色漫漫晝欲晡一笛梅邊河滿子  
千簑蘆外筆頭奴急風吹雁還家未新雨生濤到海無  
本是白鷗隨浩蕩野田飄泊不爲孤

漿塘煙雨

甘惟寅

一道漿湖帶碧山天風吹雨度雲關樹浮空翠迷邨塢  
泉落飛虹瀉石灣赤嶺豹棲朝氣隱劍潭龍起夜光還  
咿唔何處經年咏多在湖東喬木間

堯峯西峙

揭傒斯

天際峇堯玉作峯四時嵐氣鬱蒙籠光含霧靄晴初散  
色借煙霞晚更濃落日丹崖還有影春風翠壑去無踪  
仙人採藥迷歸路知在雲林第幾重

遊感山寺

李裕

寶刹環垣萬竹修春風匹馬昔曾遊花前酒醒杯仍酌  
石上棋殘局不收僧梵有時來客坐佛燈常夜落漁舟  
最憐甘露亭孤迥夜夜寒蟾薄斗牛

丹霞福地

孫曰良

煌煌寶殿映朝霞路入重林一徑斜羽客消閒聯石鼎  
仙翁却老服丹砂千年古樹巢鳴鶴五夜疎鐘動宿鴉

豐城縣志

卷之二十七

藝文

五十一

幾度清遊多逸興焚香滴酒更煎茶

盛家洲書院

曹壽

一片荒山半畝溪溪頭茅屋更幽棲地偏不許閒人到  
春盡唯聞好鳥啼潤透琴書流水近光生卧榻夕陽西  
于今閉戶千年久解見文光映壁奎

烏石觀

鄔季生

真人煮藥留遺跡道士開基結石壇玉練橫空滄海曙  
金虬嘯月翠虛寒解巾欲掛三華樹鍊質須成九轉丹  
鳴鶴不歸松未老坐聽清磬出林端

遊感山寺

朱簞

我欲餐英學好修故鄉冠蓋此來遊蒼含遠樹春雲靄  
綠泛禪池暮雨收寺古苔封鳴鶴榻江清磯落釣魚舟  
乾坤和氣知多少漢相于今幾問牛

曲江亭

春日同南沙太尹遊此喜高苔階至自李克齋香社寺

范慶

滿眼春光誰得分可堪高士不同羣尋幽共上峯頭閣  
論道全消酒底醺日暖飛花筵裏落山空啼鳥坐中聞  
忽傳鶴使來天上驚起閒鷗送落曛

挽史公安死難交趾

丁鉉

出佐元戎殄叛夷忠良殉國最堪悲白楊萬里難歸骨  
青史千秋肯讓誰宿霧冥冥迷北闕愁雲黯黯暗南陲

豐城縣志

卷之三十七

藝文

五十一

吁嗟里閭招魂處別有傷心是故知

題龔公樓

韓雍

獨上龔公樓上頭眼空四海氣橫秋遙聞笑語驚閭闔  
坐拍吟肩碍斗牛蘆渚兩三聲牧笛柳陰四五箇漁舟  
不因意外堯峯隔觀遍江南十二洲

豐城阻風

前歲遇難于此得北風幸免

王守仁

北風休嘆北船窮此地曾經拜北風勾踐敢忘嘗膽地  
齊威長憶射鈎功橋邊黃石櫓先授海上陶朱意頗同  
况是倚門衰白甚歲寒茆屋萬山中

重登黃埠腦

王守仁

一上高原感慨重  
千山落木正無窮  
前途且與停西日  
此地曾經拜北風  
劍氣晚橫秋色淨  
兵聲寒帶暮江雄  
水南多少流亡屋  
尚訴征求杼柚空

堯山

張鏊

松檜參差石磴斜  
遠公飛錫便成家  
鶴巢上界依仙頂  
龍叩諸天問法華  
故國風煙聊倚杖  
當年翰墨且籠紗  
定鐘何處仍廻首  
明月白雲江上沙

廻瀾閣同陸池山觀濤

涂鉉

江練斜分水急流  
隔谿飛瀑遶新州  
高人亭倚懸崖立  
逐客船隨返照遊  
登覽也知憐舊燕  
坐忘真可狎輕鷗

豐城縣志

卷之二十七

藝文

五十二

誰言此地無佳景  
洗盡塵寰萬古愁

月夜登曲江亭餞人之京

李貴

山回江曲水明沙  
澄景秋宵月轉嘉  
石出江蟠龍虎卧  
山空臺傍斗牛斜  
波光隱見迷鷗渚  
樹影參差護客槎  
一笑濤驚神劍躍  
贈君長佩向京華

感山寺和江惟化韻

徐袞

不事幽尋不到山  
喜隨分外脫塵寰  
石橋路逕栖遲處  
天竺溪流想像間  
景入花香時撲撲  
春催禽語自關關  
晨鐘喚起西堂坐  
又聽聲聲雁北還

冬日遊感山

雷暎

晴冬結伴入招提水曲山迴路欲迷古檜婆娑臨玉砌  
陰羅繚繞護璇題談經幾見天花墜覽勝渾忘夕照低  
自媿風塵徒擾擾無緣飛錫寄禪棲

登曲江亭同劉兌陽

李啟美

興來艤艇暫盤桓陟磴捫蘿上翠巒浴日江濤天際落  
傍人山色雨餘看亭臯話別秋雲杳斗下銜盃劍氣寒  
拚取劉伶今夜醉止堪白也共投歡

過始豐山觀劉海蟾真跡

陸應箕

仙子當年去不還空留仙篆白雲間晴煙緲緲燒丹灶  
古木蕭蕭採藥山自覺龍蛇騰石壁可能鸞鶴駐塵寰

豐城縣志

卷之二十七

藝文

五十三

請看昔日揮毫處直至于今色尚殷

遊感山

湯兆京

爲愛招提深積翠已公雙屐怡情歡閒心偶與風旛會  
野性翻從麋鹿看鐘向夕陽樵唱合香于竹裏梵音寒  
無端簿領相縈迫踏月歸來意未闌

劍池

邛士毅

龍劍成龍龍已飛龍池故跡尚依稀一朝變幻終能合  
千載精靈底不歸月印蒼波涵古色霞縹紫氣辨餘輝  
張雷祠下殘碑在讀罷風雲擁客衣

遊曲江從盧使君夫子

楊惟休

槎回憲節遠開牙露冕還紆問俗車旆擁星文臨閣道  
筆懸春彩映江花飛濤夜撼雙龍折曲檻光吞九鳳斜  
緩帶趨陪清嘯晚千山落日起明霞

紫府觀

陸元衡

石澗流沙九派分蕭蕭木葉萬山羣谿源不碍秦時路  
雞犬猶攜晉代雲但訪仙蹤游倏忽無關人境轉紛紜  
杖藜散步藤蘿外似有簫聲嶺畔聞

龍山秋望

文可紀

年來幾棹逸登臨乘勝還憑幽杖尋繚繞江光廻古岸  
澹澄秋氣擁高岑檣飛浪鼓虬生吼蘆隱汀歌雁掠陰

豐城縣志

卷之二十七

藝文

五十四

指顧風煙堪極目摩挲遺碣昔賢心

瀚樓新成陪宗明府登覽

黃叔鉉

傑棟崇臺枕上流一城鼙鼓睠同遊南臨梅尉餐霞嶺  
北擁文山捧日樓共沐澄清章水月無勞籌畫稽人秋  
凭高直與雲霄近漠漠煙波萬頃舟

密嶺

杜曰讓

瓊花琪樹遍仙宮襟帶河流瞰遠空萬壑密雲藏澗髓  
一天霖雨散松風穿窻幽鳥啼無盡出峽山泉聽不窮  
長日飈車無近遠我生南北又西東

竹林菴次韻

黃炳名

花宮梵響曲城邊忽漫相逢憇柳煙大歷詩人皆似玉  
已公茅屋恰如船午風籬落雜紅碎夕照峯巒空翠鮮  
不用典衣添客醉青蓮香甕湧春泉

讀鄧武橋先生橫戈集

熊履廷

能兵亦復羨能文一驥真空萬馬羣宇宙此生惟賭命  
朝廷多忌不書勲戰餘酒醉營前月吟就戈橫海上雲  
洞滅麻陽芳草在至今尚識鄧將軍

桃花巖

熊履廷

木脫山空一徑微緣崖爽氣襲人衣泉聲冷向巖前落  
鳥影低從地上飛片石留奇蟠佛座千峯積翠抱禪扉

豐城縣志

卷之二十七

藝文

五十五

與僧共話疎林久指點閒雲暝欲歸

遊龍山并至感山寺

袁孔邇

倚櫂秋江江欲寒逃名何必把綸竿砥波一柱峙今古  
印月三潭定激湍結社尋僧禪室寂放眸踏閣客懷寬  
感山寺在磯山下笑指碧雲紅樹端  
咫尺名區放誕遊梵音松籟雜賡酬茶烹靜域叅三字  
酒醉羣公破四愁段段烟村依曲水聲聲鴻雁逼江樓  
舟回頃刻飛天鏡更擬同披落帽秋

登曲江文昌閣

丁序琪

危樓百尺瞰飛流乘興登臨最上頭水似蘭亭千古曲



山開桂苑五雲浮半江帆影樽前落萬壑松濤枕畔收  
極目不勝懷古意三賢仰止思悠悠

和吳邑侯遊感山

丁霈

曲江蘭若鳥飛遙白水青山喜再邀無數鬱林供石載  
幾行騎竹看雲招閒情徙倚追王烈遺化吹噓話鄭樵  
三昧戲遊仍作賦揮毫月夕并晴朝

過感山寺

盛逢瀾

屐齒苔痕過感山漫勞布席歎衰顏古今兩鬢韶華易  
天地一樽逆旅閒適意寧辭江月上無心恰伴暮雲還  
勝遊此後應須繼回首林巒興不刪

豐城縣志

卷之二十七

藝文

五十六

和黃質昭遊櫛山

游方震

躋攀轉仄石嶙峋暢好山家小有春窩洞不逢栽樹客  
荒臺空弔讀書人數聲雁送霜前信一路雲窺物外身  
忽地舉頭天尺五直收瑣屑入渾淪

春日過瓘山訪熊效先州丞壽先文學遊斗門福地

旋憇于綠野別墅卽景漫賦

游方震

不言桃李繞溪鮮舊識門籬抱一川春草漸生池館色  
好風猶解主賓憐迂遲蔣徑堪逃世笑倚南樓欲問天  
林壑都從圖畫出却疑身載米家船

送家馭麟叔掌教龍山書院

甘與仁

出來聲價重南金馬帳風流直到今賢宰延爲多士範  
名師素協邑人心龍山講幄開澄霽劍水文波奏好音  
從此春和桃李遍却將化雨付謳吟

秋過感山

借周秉文李采衡  
赴本緣上人約

徐文弼

野館秋風寂杜門偶陪杖履歷隄根紅添江樹留霜跡  
白滿洲沙帶水痕嘹唳雁聲寒到浦悠揚漁唱近臨村  
尋山每有豪吟興一路詩情共細論

黃葉蕭蕭古寺秋松陰虎卧記重遊金沙池上懸屐迹  
花雨臺前點石頭水月僧閒修竹院煙霞人語夕陽樓  
木樨歸帶香風遠十里澄江逐暮鷗

豐城縣志

卷之二十七

藝文

五十七

龍頭山登高

朱霞

湖山萬里拓心胸振策危磯第一峯章貢北來憑砥柱  
庾匡南向擁芙蓉縣城滿眼開圖畫潭水驚秋起蟄龍  
我到奇巔欲飛去古懷離思意重重

遊正悟寺題壁

楊其謨

萬綠叢中不見花老僧高卧脫袈裟曲江流水頻消長  
遠浦風颿幾墜斜客屨有時來梵宇佛燈長夜照漁家  
登樓一望豐城縣牛斗依稀尙物華

舍菜宗賢請合祠王季友

蔡宜省

文獻猶存苦不遭豐城客子士之豪如何西浙諸賢右

獨著南州一士高喬木可能棟清廟孤根惜不入離騷  
孝經已落先生手千載誰知弟子勞

梅仙觀

朱粹

書投北闕言無用吏隱南昌寄此間身隲九霄歸紫府  
名垂千古寄青山夜壇星斗誰瞻仰曉殿雲煙自往還  
幾疊高岑人罕到分明真境異人寰

豐城龍光書院

舊悞甘惟寅作今據省志重錄俟考

朱子

一道榮光帶碧山天風吹雨度雲關樹浮空翠迷村塢  
泉落飛虹瀉石灣赤嶺豹棲朝氣隱劍潭龍起夜光寒  
伊唔何處經年韻多在湖東喬木間

豐城縣志

卷之二十七

藝文

五十八

望羅山柏塔

虞集

遙瞻柏塔極蕭疎投老能來幾度餘山色已隨樵斧盡  
案塵猶護醉翁書遠懷天上多騎鶴近愛槎頭可釣魚  
九日懸崖多細菊可能無意載高車

題熊太古畫

虞集

亭上長松三百丈何人可以此經過窮冬藜杖出同谷  
清夏籃輿還曲阿栖鶻每來從島嶼老猿時復下藤蘿  
王維韋偃久不見病目摩挲愁奈何

張君壽鵠山隱居

揭傒斯

當日自期顏杲卿暮年羞見魯諸生膝兼多病終難屈

身爲長愁視轉輕日晏典衣留客醉雨餘開戶看兒耕  
淮雲楚樹晴如掃臥送年年江水聲

送孫竹軒國子博士致仕

王直

談經大學已多年令子詞林儼若仙喜見推恩重賜敕  
仍聞投老遂歸田路通彭蠡雲山外家在豐城水竹邊  
萬卷堆牀籤押舊傳家寧減漢韋賢

豐城九龍山雙髻峯

元宣

九龍蟠處是仙家閒與幽人躡曉霞石裂雲間開一逕  
髻分天上聳雙丫洗頭玉女垂秋露背面靈娥倚暮花  
勝境眞能超浩劫誰從此地飯胡麻

豐城縣志

卷之二十七

藝文

五十九

過富州贈權伯文

郭奎

章江寒夜汎舟初岸曲沙平月色虛兵氣未銷吳楚分  
劍光猶射斗牛墟明公佐國專封拜使者交隣奉簡書  
爲喜豐城知已在別來懷抱定何如

送豐城杜少府謫滇南

李攀龍

共惜投荒萬里天當朝起草事空傳主恩綠鬢神仙尉  
客夢青雲侍從年盤水秋帆開瘴癘黔陽春樹隔風煙  
孤臣自有豐城劍遙夜思家向斗邊

和萬象山登鍾城山用元虞學士韻 游潛

巖靄蒼蒼落照橫竹筇攜上翠微亭長風出地漱雲壑

遠岫倚天開畫屏鼎業漫遺荒隴恨鍾山重愧草堂靈  
桃花流水春如夢誰更吹簫向紫冥山上有祠

遊感山用老杜韻

熊卓

野寺來遊記往年八門流水漫潺湲交游白首憐誰在  
塵路青山有夢傳禪榻卧雲疑隔世暮鐘聞浦未迴船  
春潮來往君休問無事沙鷗只晏眠

古木霜煙一逕修好風接我上方遊青山壓戶水長在  
赤日礙林嵐未收石室籠開看飛鳥仙人霞舉望孤舟  
箇中會得真如意前日青牛今白牛

爵帥鮑超兩度至豐平寇功最鉅嗣是寇熄作長句

豐城縣志

卷之二十七

藝文

六十

二章紀之

周文鳳

惡氛將逼劍江濱望見長隄柳亦顰分道賊訖兼水陸  
沿河人哭盡煙塵粵匪分河東西兩道中水排一道盡驅瑞臨二郡併豐人民逃竄者億萬

一呼倘阻龍蛇陣萬死幾無蟣蝨臣是時賊勢訕訕若帥至稍遲億萬生靈無救  
神速果然天上降雷霆飛掣出生民帥號春霆

此紀咸豐十一年事

歲辛酉

將軍飛下金城檄河西巴平檄行東道借得浮梁一道通邑侯張早治浮

橋黃金學士快譚師有律渡河宿徐稼生家快談竟夕仙人決戰筆

如風亂仙有決勝語雷車怒叱坊五馬頭去賊竄五馬坊連村

焚殺勒蛙井聲銷市口訖賊伏橋市帥追早奪撫崇么

虜魄旌旗萬鬣出橋東邑南市名在撫崇要道

此紀同治元年事歲甲子

九日登梅仙嶺  
喻增高

十里煙波泛野航幸逢勝地領秋光江山有主攜樽便

風雨無聲著屐忙難得相逢無俗客時文紅蘅周令生諸君偕往况

兼佳節是重陽振衣直上梅仙嶺一覽羣峯盡鬱蒼

三至龍山留別  
張寅

洪都領郡自年年三至龍山信有緣媿綰麟符擁高座

喜看虎氣出潛淵學成有用方為貴祿到無干信足賢

小別諸君莫惆悵來春還放米家船  
六十一

豐城縣志 卷之二十七 藝文

次韻張郡伯三至龍山留別  
萬光岱

有脚陽春年復年龍山共幸話前緣良工玉就洪都品

創立洪都書院廉吏珠還合浦淵時有兩江第一出色人員之目劍水狂瀾今

捍患為豐築隄并建石開石埭灌城德政古稱賢又於會垣修城修文廟建府屬義倉

如斯教養恩頻渥普濟咸登大願船

寶氣亭懷古  
陸如照

一亭高矗枕江隈秋月春風幾往回神物當時天上去

唵懷此日閣中來百年霖雨歸龍澤萬丈光芒仰斗魁

兩大精靈原不沒更於何處覓張雷

把酒凌虛恣日游煙波棹破釣魚舟詩情終覺涪翁遠

碑碣徒傳相國留

唐李德裕有碑

書遞庚郵知幾度

亭至元改驛樓氣

冲霄漢尚千秋感懷細誦王生句檻外長江空白流

四言

雲澗三章贈毛霆甫

文天祥

英英白雲在澗之濱彼美人兮其德孔純

英英白雲

在澗之阿彼美人兮其思孔多

白雲英英澗水泱泱

彼美人兮碩大且昌

白蓮詩

并序

揭傒斯

鄉人李雲紀事母極孝母死廬於墓側墓前稻田

中忽生白蓮一枝人以爲孝感所致進士徐季子

豐城縣志

卷之二十七

藝文

六十二

赴春官爲予言且請賦詩

蕭蕭墓門翼翼良苗我母之思匪夕有朝

墓門蕭蕭

良苗翼翼我母之思匪朝伊夕

良苗如何中有蓮花

匪生斯生其理則那

濯濯其華其葉翩翩中心悼之

莫與我言

人之爲言維孝之格予曷云然昊天罔極

五絕

感山寺雜咏

三首

姚勉

舍舟上招提遙入松林間透脫塵俗網是名第一關

二

地爐宿松火紙帳橫梅枝春蠶撲菽菽惟有蒲團知

動靜意誰知妙處作塊坐高人定不死枕此白雲卧

過豐城訪肇慶守黃瑩之

陳獻章

雨露亦雷霆江南稱老手何處訪君家龍光射牛斗

登仙壇

胡之姓

仙自何年去叢篁抱一壇江城天欲曙鶴背玉笙寒

小石山

在藥湖中間

周林德

四十里湖光斯山爲之骨雲裏磬一聲西竺高人室

奇童詩

爲陳會作

揭傒斯

奇童年七八文思藹然生努力師賢聖他年佐盛明

豐城縣志

卷之二十七

藝文

六十三

題熊太古畫

虞集

海內此亭古幽村春事多扁舟歸未得江水已生波

七絕

劍池

來鵠

秋水蓮花三四枝我來慷慨步遲遲不決浮雲斬邪佞

直成龍去欲何爲

懷厚郭胡正卿

吳與弼

居隣厚郭一鷄飛桂樹於今大幾圍老憶舊時燈火伴

青山何處望霏微

羅山徵君隱居

曹鄴



掃葉煎茶摘葉書心閒無夢夜窻虛只因光武恩波晚  
豈是嚴君戀釣魚

梅仙觀

孟賓于

仙界路遙雲縹緲古壇風冷葉蕭騷後來豈合言淹滯  
一尉昇騰道最高

梅仙壇

吳大防

封事悠悠卽掛冠蒼烟古木鎖空壇當時不識蓬萊客  
祇作南昌一尉看

梅先生故居

黃庭堅

吳門不作南昌尉上疏歸來朝市空笑拂岩花問塵土

豐城縣志

卷之二十七

藝文

六十四

故人子是國師公

過豐城

楊時

清江渺渺綠浮天博物無人繼昔賢應有斗間靈氣在  
誰能更與勵龍泉

廣慈院

汪藻

春風何事獨多情伴我江山萬里行我爲忘機身到此  
沙鷗相見不須驚

寶氣亭

胡銓

俗塵不逐江流靜酒力都從雪壓消斗下只今無劍氣  
年來牛犢在人腰

訪盛温如至盛家洲

朱子

昔年聞說盛家洲今日從容過此遊  
萬頃波光涵宇宙數椽茅屋老春秋

經赤岡望遠山

朱子

曉起清江弄小舟晚風吹過赤岡頭  
遠峯自作修眉斂萬里那知客子愁

次林擇之韻

朱子

萬里煙波一葉舟三年已是兩經遊  
今朝又過豐城縣依舊長江直北流

盛家洲四景

盛燧

豐城縣志

卷之二十七

藝文

六十五

堤邊楊柳鳥聲啼花醉春風分外奇  
一段清香隨物好無邊光景滿庭闈

湖上闌干百尺臺臺邊水殿倚雲開  
虹橋人隔荷花語玉碗冰盤進雪來

蒼松翠竹映斜暉野菊花開過客稀  
葉底黃蟲作寒繭雨餘蛱蝶滿園飛

梅花樹下三間屋掛壁孤桐盡日閒  
有客過門彈一曲暮雲殘雪滿空山

清都觀

于革

石壇雨洗月華新白恰青藤曳履行  
老檜不知仙馭遠

屋頭猶帶玉簫聲

感山寺探雪樵詩僧不遇入旃檀寮見几上有江南  
春詩詢之爲真半顛雖未識面亦合寄以詩

姚勉

欲聽茶鼎轉松風何事雲房白晝封應在山中採樵去  
雲深何處問行蹤

讀君霜葦疎籬句知得猶存用世心拄杖借將來解虎  
不須堅臥白雲深

白鶴觀

白玉蟾

藥珠殿裏誦黃庭誦罷黃庭月正明腰佩青蛇三尺劍

豐城縣志

卷之二十七

藝文

六十六

一聲鏡遂鬼神驚

詩書閣

范仲武

面面山光接水光落花暗度硯屏香當軒飛白雲拖練  
對酒長吟月在觴

梅仙壇

况志寧

上疏歸來事可歎嶺頭誰爲築星壇先生不食炎劉祿  
自拾松花當晚食

過豐城

傅若金

石泉灑灑照晴暉山崦茸茸帶夕霏憶得年時松下路  
兒童相逐采樵歸

隔溪篁竹似吾廬竹裏人家夜讀書一去故園如昨日  
春來頻夢帶經鋤

烏石觀

強立

道人夜誦大洞經露冷平池雙龍聽經罷龍歸鷺月落  
寒風瑟瑟吹松局

城南書屋

胡儼

謝病歸來上草堂城南亭館枕荷塘莫言性僻耽幽隱  
自古豐城卽豫章

金墉朝陽

孫曰恭

旭日初升百物華雲林開處見人家茅齋有客無營繫

豐城縣志

卷之二十七

藝文

六十七

自起籬邊看菊花

過豐城

劉同升

細雨順風檣亦斜岸移百丈過江沙水邊一樹垂垂白  
春晚棠梨尚著花

泊龍頭山

史垂譽

閒步江村踏淺沙疎籬茅店野人家春風依舊生青草  
指點斜陽數暮鴉

楂村望超山

史萬育

幽崖疊疊幾多重松樹枝頭有路通樵擔入雲穿石壁  
不知何處覓仙踪

鳳山口占

熊履廷

飯後尋涼到鳳山荒巖古木老藤蟠石頭爲枕苔爲席  
卧聽松風十里灘

題始豐山仙林觀

徐紹文

江右名山題玉瞻到今石壁字依然雲根古跡苔封厚  
鶴老松鱗洞裏仙

崖幽嶂峭日無紅未識文吳何路通樵子穿雲獮掛樹  
葉遮藥臼拂仙風

幾種巖花繡殿前春歸雪點色尤妍林深鹿過聲聲細  
丹井香流莫問年

豐城縣志

卷之二十七

藝文

六十八

始豐山和句

丁猷駿

好句曾留白鶴觀仙風又度始豐山赤文綠字雲封久  
劍跡依稀石壁間

老去年來欲駐顏仙林有路隔重山綵鸞寫韻歸南浦  
雲白山青自往還

福地曾名七十二紅塵未許到巖泉先生往與烟霞近  
偏惹詩人入洞天

平豐堤

邱士毅

臨流高築令公隄畏壘真成樂不支祠下甘棠新長就  
露華清沁萬年枝

題壽昌寺

揭傒斯

窗前脩脩數竿竹殿後凜凜雙青松倦客遊此供茗事  
焚香更讀洗心經

送熊士選侍御

徐正卿

羨君鞍馬速流星予亦孤帆下洞庭塞北荆南天萬里  
佩刀長揖向都亭

訪徐孺子讀書臺歸檢思賢集重加校刊即集集中

句書後

姚敏德

漢家人物百千載今日初登孺子臺貧賤不荒三徑業

春風幾度碧桃開

臺傍有桃花岩

王臣 陳嘉謨

羅洪先 黃翰

豐城縣志

卷之二十七

藝文

六十九

斗牛精氣接銀灣高卧孤雲懶出山却是先生明到骨

案頭經史自消閒

韓雍 王相

徐鑾 韓楊

苔色封階戶屢局清標卓行總超倫誰懸木榻延高士

孤塚年年碧草春

臺旁有孺子祖墓

曾一本 曾榮

李奎 陳述

慘淡炎精遂不光驅原逐鹿亦隨亡東都人物從頭數

陳竇何曾紀太常

羅倫 陳琦

鄒軒 林光相

八窗臨岸柳如煙此守方能重此賢黨錮幾人能免禍

高風一片曲江鐫

袁尙友 陳述

洪性 陳琦

鴻飛冥海肯彈冠一代人才萬代看千載有懷尋故跡

重磨碑碣寫心肝

范涑 徐鑾

張元卓 陳憲章

贈鮑春霆爵帥

徐士穀

韜鈴豈必藉干戈幾度西江唱凱歌談笑封侯年最少  
殺人偏少受降多

忠孝通天豈為名

督撫請為爵帥建忠孝坊堅辭不允

天憐忠孝績方成

丹青早繪凌煙上姓字何勞綽楔旌

夔府當年憶采風山川奇險出英雄武侯八陣圖猶在

畱與將軍建大功

偶投情分結金蘭白飯青芻意盡歡寄語渠魁梅嶺外

撼山容易撼軍難

獅山文昌閣八景

敖宗瑚

豐城縣志

卷之二十七

藝文

七十

獅山北障

形勢昂藏踞此洲姑蘇名勝足為儔雖然不向悲風吼  
却自回頭顧虎邱

楓水南還

屈曲當陽一綫通誰知就裏蘊無窮靜觀行止隨人意  
絕勝吳源百畝功

柳岸鶯聲

兩路垂楊映碧溪輕煙斜抹綠陰隄鶯雛定為無繒繳  
不管陰晴只管啼

支天寶閣

巨光之閣與雲齊斗柄高懸曲檻西幾度到來閒極目  
不知何處是金闈

射斗龍光

不教神物竟塵埃轟漢光芒特地開深夜漫勞長大息  
司空曾入此津來

泥灣古塔

一柱當年曲岸頭於今憑弔只荒坵月明江上清秋夜  
倒影依稀浸碧流

羅石怒濤

怒噴飛濤積石頑其中水立欲聳山物情尙有不平處

豐城縣志

卷之二十七

藝文

七十一

何況人生天地間

楓岑風韻

寒濤一派樹頭生石磴層層儘耐行安得世間龔俗耳  
與予同味此中清



雷公腦堤成志喜

田錫齡

粵古多水災咸賴人疏治况是衛民生能不謀建置叔  
敖起芴陂惟楚受其庇希文築海隄惟楊享其利三策  
思賈讓興廢兩全備防川如防口奏言妙取譬瓠子湖  
王尊殫盡過人智沉馬欲捐軀主簿尙知義或伐淇園  
竹爲槌堵泥漬畚土築登登層纍亟覆簣或編作絡籠  
圓長尺丈記盛以磷磷石投沉壓實地此外堆破艘劈  
水兩相比亦有塞蘆稽搏沙不可棄鑄鐵鑱鉤錨掛柱  
用鐮寄穿木架橫梁拉檝合梓植良匠巧呈材曾無有  
軒輊不日經營成終古都盡識去夏雷公腦馮夷肆橫  
恣章貢袁吉臨五水匯洊至昏墊瀰田廬民逃無所避  
三日炊煙斷邑宰洵心悸飛馳羽檄文陳情上  
大吏籌畫急江防入奏修築議

頒發公府帑勿令度支匱

方伯申諭嚴命我一介使到此七月中役車已廣積策  
力收羣工自秋徂春季礪塹而栽椿似鰲矢巔負磊落  
重砌石增高不復墜延袤數百丈其崇如雲被熙熙衆  
小民藉藉詡攸暨覆幬資

天眷

恩恤荷

帝界一勞千載逸宵安居粒食我與巴令尹差免督修遲豈  
敢伐其功聊復珥筆誌

西來山秋夜偶成

李培本

傳燈一盞射窓南無限禪機靜裏叅覺悟自應有轉念  
功夫最怕屬空談情緣沉溺濃還淡理境研磨苦亦甘  
我讀我書完故我更何滋味足醅醅

兀坐澄懷傍佛台秋聲黯黯自西來喚醒沈夢宵鐘徹  
認出真吾夜氣回意草生時當下割心花養到自然開  
聖賢學問無他道淨掃靈臺不染埃